

舊威海衛志序

余爲諸生時見明經畢子衡南創立威海衛志  
殫心考核稱桑梓文獻自畢子以後五十餘年  
未經增修留心編續者久之奈生晚採訪難周  
雍正癸卯成進士教習景山意京師距威海二  
千里鄉人在長安者頗多足以從容諮訪纂成  
一書以不沒畢子後數十年之事未幾作令新  
陽三年調閩未及兩年

擢守汀郡調臺灣司鹺務公事旁午此書竟置之高

閣矣丙辰洊歷福藩州縣紛呈邑志見其事有  
關係省志未載者請於督撫加意搜羅削繁補  
漏彙爲通志鏤板以進頗無闕略之憾而於威  
海一志則又枵觸於中而不能已迨余撫閩時  
威海衛缺奉裁初附新設之榮成縣繼又省入  
文登縣雖因革無定當事者各有因時之見然  
念威海地處海隅形勢險要山川秀麗實乃東  
陲一奧區四百年來縉紳名流頗不乏人若無  
成書傳後則他日威海旣不得以邑名志文登

修志又不能以威海儻入必沿革混淆不重可惜哉是則前之修志猶可緩今之修志爲倍急也修志之舉前此可以任之他人今不得不引爲已責也正擬致書同里諸君子留心訪輯匡我不逮適待罪

國門長子


光鵬

來都省視挈郭子堯瞻重修威海

衛志一冊請質於余喜其綱舉目張洪纖畢舉可與畢子衡南所作並垂不朽而余數十年以來欲修而未及修之志亦可藉此稍慰因以鄙



見為參酌數條俟有力者付之剗劂具呈郡縣  
 附入文登志中庶不沒兩人前後之苦心云爾  
 乾隆七年歲次壬戌五月穀旦原任福建巡撫同里  
 王士任莘埜氏拜書於都門邸舍





重纂威海衛志序

歲乙巳余秉鐸威海偕諸生講學論文徧歷域  
內名勝有郭子堯瞻者常一一爲余告曰某嶺  
某峯可供登眺某川某澤可供漁獵某墩某堡  
所以防不虞某坊某碣所以表節烈某橋某林  
麓所以通行旅而利樵蘇他如官衙傳舍以及  
郊壇祠宇雖不無廢興之感其基址猶歷歷可  
考余曰蕞爾彈丸風景如是數百年來獨無騷  
壇碩彥彙爲成書備輶軒之採者乎郭子曰是

衛之設原爲防禦倭寇專尙武功文事缺如也  
我

朝定鼎菁莪棫樸之化不遺遐陬康熙十一年  
特允閣臣之奏分命各省府州縣衛並修志書爾時  
苦於創始兼乏剗剟之資協濟甯海合刊一書  
掛漏殊甚明經畢子衡南家藏私乘一冊亦不  
免缺略先生留心掌故盍踵而纂訂之余嘉其  
意諾其請緣視事未久風土未悉更以學宮榛  
蕪堂廡傾頽方與二三同人謀所以補葺之者

此舉未遑也及八月郭子秋試未售余又有採  
薪之憂相對鬱鬱乃謂郭子曰從前修志之說  
此誠其時但我心緒亂不能相助爲理君專任  
其事可乎郭子唯唯遂鍵戶增訂按舉子舊乘  
刪繁補漏凡後數十年未經紀載者採諸紳士  
訪之父老循例編次三越月而書成起於疆域  
終于外志其間學校官守祠宇武備諸條目部  
分縷晰瞭若指掌可謂繼舉子而集其成者嘻  
以郭子之才而復志存文獻留意經濟若此則



他日讀書中秘珥筆著作之任微郭子其誰與  
歸哉是為序

雍正五年歲次丁未二月中浣穀旦齊河張介正海  
生氏書于衛學官署



重修威海衛志序

威海僻處海濱明初掌故寥寥宏治改元有纂  
修衛志之命邑人王君悅首創一編以備採擇  
巡察海道副使趙公鶴齡更定正之迨明末兵  
燹之餘書復散失我

朝康熙壬子內閣大學士衛公周祚疏請纂志

勅下直省府州縣衛共舉其事邑侯朱公孚吉正採  
訪間會甯海州牧楊公引祚請合修一志以省  
梨棗之費朱公限於力迫於時遂許其請未免

缺略有間邑明經畢子衡南憂之私纂衛志若于卷閱數年山陰李公標來守是邦欲目爲一志畢君遂錄稿以應然亦不克付梓也謹按威海衛界文登北鄙爲天末荒徼朝鮮日本琉球諸舶時乘迅風突至故前明設世襲官六十餘員兩操屯田捕倭城堡軍兵二千餘人復設陸前營馬步軍兵丁二千五百名

國初改設守備一員調防文登營馬步兵丁二百五十名巡哨坐鎮所以重海防備外警也後昇平



日久當事屢議裁併蓋未嘗親至其地躬閱形勢之故雍正丙午山東巡撫今相國海甯陳公世倌具奏邊衛重地應仍舊制民咸便之明年文大有纂修衛志之舉以邑志爲主而參以郡志州志缺者補之冗者芟之略者詳之訛者正之詮次未幾河東總督王公士俊行部至郡授意守土裁併邊衛將成山衛改爲榮成縣以威海省入又因人戶以籍爲定將威海附于文登縣而茲衛遂廢夫威海旣裁似不可以志名然

疆域建置可裁而山川形勢不可裁也食貨可  
併而土宇版章不可併也學校典禮可省而文  
廟不可鞠爲茂草也官守可汰而已往之甘棠  
不可剪伐也貢舉可歸縣治而歷朝之物望未  
旌之名流不可以湮沒也文大心有未愜因取  
丁未舊著再加纂輯其條例綱目一倣文登舊  
志以備他年芻蕘之獻告成後不敢自專乃郵  
寄都門就正於同里中丞王公咸一仁和候補  
京堂蔣公省齋亦參訂焉蔣故文大師也數月

寄歸同里呂君荆石王君雪石呂君修齋陶君  
經初復加校定爰繕寫兩本存之家塾以見文  
大之惓惓於威海一志者蓋出于衆論之公而  
非一人之私也

乾隆七年歲次壬戌九月穀旦威海拔貢生郭文大  
堯瞻氏書於環麓堂中





厨治循式 三

威海九華小學校重印

# 威海衛志卷首

## 凡例

一 邑舊志創自畢子衡南雖闕略尙多然搜羅心苦實權輿也文大於康熙壬子以後訪七十餘年人物事蹟殫心增輯壬子以前雖間有更定要以舊志爲主不忘所自

一 人與事有互見於郡志州志及舊志者謹擇其確者載之參互考訂不株守一篇以爲確據

一文登乙巳志部分井井較勝前志至寺觀不與

正祀並列名賢不與鄉賢同稱析人物與貢舉之後補世職於流官之前尤爲得體故編中一遵其例

一疆域志載山川古蹟雖係文登所屬實多本衛墩堡斥堠故詳載之如軍馬嶺紫金道艾山黃埠張村雙島與衛無涉一槩從刪

一食貨志賦役全書係雍正七年從布政司領出七年以後事請之邑侯張公懋昭  
一名宦鄉賢各爲立傳科貢之學行著聞者標於



各姓名之下忠孝節義文學潛德另載事實凡  
誥命祭文祠碑墓碣一槩不錄

一詩文必有關衛事者收之如事係一人一家酌  
贈品題之作雖出自名筆載在前志者不敢並  
存

一敘論多係丁未著定因綱目互異亦有新裁大  
率照存衛時撰次惟食貨志論地方之積苦賴  
當事之補救故統前後詳載識者鑒之

威海衛志

月修

二

威海九華小學校重印

修志姓名

鑒定

賜進士出身通奉大夫原任福建巡撫邑人王士任

原修

歲貢生候選訓導邑人畢懋第

續修

拔貢生黃陂縣縣丞邑人郭文大

增訂

優貢生候選訓導邑人王兆鵬



廣雅釋詁

卷之十一

威海九華小學校重印

威  
威

海

新

志

圖

境

威海衛志


圖

威海九華小學校重印



威海九華小學校重印







月清復元


七


威海九華小學校重印

威  
德  
集

城

圖





真武廟  
財神廟

黃姑廟  
城隍廟  
水

大馬王廟

大荷花潭



風洋舊志

城區

威海九華小學校重印

威海衛志目錄

卷首

凡例 圖形

卷之一

疆域志

星野

沿革

形勝

海運

延袤

山川

古蹟

塚墓

風俗

災祥

兵事

卷之二

建置志

城池 公署 都里 武備 坊表 橋梁

卷之三

學校志

學宮 社學 學田

卷之四

食貨志

丁徭 屯賦 起運 存留 鹽法 物產

卷之五

典禮志

祠祀

公儀

飲射

賓興

卷之六

官守志

職官

名宦

政績

卷之七

貢舉志

徵辟

甲科

鄉科

制貢

例貢

例仕

儒士

武科

武職

勲封

廕子

卷之八



人物志

鄉賢

忠臣

孝子

節義

文學

潛德

列女

卷之九

藝文志

記

跋

引

呈

序

議

申文

奏疏

記略

詩

詞

歌

賦

志之十

外志

流寓 寺廟 仙釋 怪異 叢譚



威海衛志卷之一

疆域志

敘曰自封建廢而郡縣分其間犬牙相制大小相錯無非慎固封守之意威海鄰近倭寇海氛颺發實爲甯海文登咽喉

國朝幅幘式廓不以偏偶而廢防守故沿革形勢山川古蹟與郡縣鼎峙記載不可不詳作疆域志星野

登州府志附載文登八胃十五度屬畢宿天園



西數第十星紫微垣八穀下數第二星八胃十  
五度半愚按威海城隍而外俱隸文登則分野  
自當以文登爲正而說者考漢書謂齊地虛危  
分野青萊登俱屬危以爲八胃者蓋泥於晉天  
文志而不知其書之多謬也善哉賽慵齋先生  
之言曰天下一度不啻千里之懸從來分野者  
以名山大川爲界豈一州一邑可各占一度而  
分之哉故余於威海分野第存而不論云

沿革

前漢不夜縣地屬東萊郡北齊天保七年  
分牟平縣置文登縣歷今不改威海在其

元境內自隋唐迄  
沿革不贅敘

明洪武三十一年析文登縣辛汪都三里立威海衛永樂元年建城領左前後三所總部係山東都司兼轄屬甯海州

國朝初沿明制順治十二年裁左前二所歸併威海衛百尺崖後所係專城仍舊隸焉康熙四十一年後所亦歸併威海衛雍正三年山東都司缺裁改屬登州府十三年衛所亦裁形勝

山厲土斥實瀕海堧隱然為東陲一阨塞學記碑

北古陌南仙阜龍蟠虎踞舊志

東面劉公島疏峯拱秀砥柱中流

劉公島北通朝鮮旅順東接日本琉球南望崇

明臺灣西達天津直沽軸艦相接間藏不軌惟

恃文武兼資可以興屯禦侮為東隅屏藩舊志

地環渤海壤接扶桑王瀛記

海運

元以海運供京師明初以海運餽遼東永樂十



三年會通河成海運始廢宏治間大學士邱濬  
謂海運宜行詳見大學衍義補萬歷間侍郎王  
宗沐謂以海運供燕都如以右手取物左腋下  
其言尤爲愷切四十六年海運復興劉公島三  
官營廟前口俱爲船舶之所避風守凍動至數  
百艘行之二年利害參半仍專由漕運威海係  
海運必由之路附載一二以備採擇  
從成山過劉公島至之罘沙門二島放萊州大  
洋抵界河口其道差爲徑直

節元史



轉過成山望正西行使前有雞鳴嶼內有浮礁  
一片可以避之往西有夫人嶼不可在內使船  
收到劉公島西小門也可進廟前拋泊劉公島  
開洋正北行使好風一日到之罘島節海道  
經元  
延袤

威海衛東至海一里至劉公島水面十里南至  
文登縣九十里西至甯海州一百二十里北至  
海十里至登州府三百三十里至濟南府一千  
二百六十里至順天府二千二百里

百尺崖所北至威海四十里南至文登五十里

東至榮成八十里西至甯海一百四十里

### 山川

柰古山

東枕大  
海延  
望無  
際城

古陌山

在衛北  
三里  
秀峯  
插天  
端方  
如屏  
嶺可  
設

以着綿  
即此

文筆峯

在衛南  
一里  
為文  
廟案  
山土

金線頂

在衛東  
南二  
里守  
備李  
標善  
星家  
言謂

濬河功  
繁止修  
塔半  
截尙有  
待於後  
人云

老鴉山

在衛西北三里天旱祈雨輒與黑雲如

改名喜雨頂

掛榜山

在衛西南三里層巒疊嶂參差隱見如列榜焉

佛兒頂

在衛西南十里山最高圓如佛頂久旱之歲見雲生頂上輒致甘雨

裏口山

在衛西南十餘里董樓下別在業焉別見八角樓下

雕窩山

在衛東北六里孤峯突起人跡罕到惟鵬育雜其上崇正末避兵燹者咸得

兔患

松頂山

在衛東北十里鵬窩山之陰山上平廠可在容數百人明末避兵者攜眷登之獲

全甚衆

劉公島

業在明初魏國公徐輝祖徙島中居民別

郭嘉靖間海賊王憲武造房五十三座踞而有

之御史藍玉督汛兵逐之丈耕其地萬歷末年

知府陶朗先復招有人開墾納稅兼設墩臺中峯

必經其地者焉內有五殿貌劉公設母祀之舟

日島為衛治印星春夏常有海市見其中上

黃島北有青島黑島稍

石島退在衛西十里潮

楮島在衛西北里

石頭河落在村西南遶城而東環流入海即古涓



涓長流伏雨滂沱則  
大石浮出取之不盡

### 李公新開河

先年南濠之水直流東下康熙十  
六年守備李標始議築霸挽水北

流四百丈有奇沿堤插柳以護蟻穴衛人德之  
勒李公堤碑後東門外河決守備費允倫重修

未幾復決四十一年標子爛任鰲山衛守備攝  
邑篆率衛人重修李太公堤碑是年秋水氾濫

堤遂潰決雍正七年  
年復從南濠入海

### 荷花池

在環翠樓東北往時荷花盛開趙副使  
登環翠樓詩山麓頻觀玉井蓮即此使

### 魏家灣

在衛西南隅相傳為魏皇親水牛池  
年久淤塞邑人扛石鑿井泉甘且潔

### 蒙泉

取山而下出泉意也  
泉潔而甘大泉早弗匱邑翠樓東南石窟中  
釀號小

### 惠泉

湯泉

不在衛東五步泉熱如火近海鹵水來侵

廟前海口

善在衛東北三里海際山麓灣環曲抱

泊百艘雜

三官營海口

號在衛東南三里出海往參差如門古

泊明季設墩砲其上以備不虞

麻子港

在衛西

石島港

俱在衛西十里以多魚利

古蹟

鯉堂

巨續夷堅志石落村劉氏嘗於海濱得百丈

蔽數畝忽夢女冠自稱麻姑乞此樹修廟劉漫

許之數後數日風雷大作昏昧如夜失槐所在跡

姑廟前矣臥麻

環翠樓可觀宏治二年指揮王愷建於城西角

熙四十七年傾圮乾隆元年重建康熙

八角樓在裏口山中董正四揮建蘭若于此饒臺

望月臺在環翠

星石在衛西北十二里水際石大如屋圓如瓜

裏山塔裏峭壁頂有亂石堆塔數處俱孤

水龍窩深在廣高曠狀如城門海崖峭壁其麓下有



敢者乘舟探入蜃氣騰騰上沸不

旱龍窩數在十水龍人一窩西門穴如缶匍匐亦可入境也

### 塚墓

### 明

魏將軍墓揮在衛北三里正統十一年葬世襲父

指揮使誥封奉國將軍舊

畢公墓將在欽村獅子園賜葬福建興化參

王孝子墓葬在衛西南三里

黃縣尹墓慶在衛西半里 崇祀名宦鄉賢黃承



宗

# 國朝

戚太守墓

知在衛北二里葬淮安府

王中丞墓

在衛西南布穀村蓮峯頂

谷公墓

在軍馬嶺賜葬陣亡遊擊谷生琰

## 風俗

地僻山海尚質少文為士者廉潔有氣概州志

人知教子士解通經化強梗為善良易青齊為

鄒魯王悅賦

瘠土向義允稱仁厚

舊志

俗樸民淳士戒子衿女恥采蘭噩噩有先民遺

風

張介正序

冠禮

久廢

婚禮

憑媒寄簡間行保親禮擇吉備物送期至

謁夫婦對拜婦家圓飯親戚餽贈九日對月歸甯

喪禮

初終易服親屬舉哀三日內入殮孝子守廬朝夕哭奠過四十九日始離苦塊葬用

檟雲芻靈銘旌冥器之類預筵題謝禮賽及待客執事之家過日酬謝三日圓墳仍行祭禮

焉

祭禮歲薦時享務期豐

燕會大賓行奠禮常會不六行湯飯三

服食俱從樸

元旦備牲醴香楮花燭果品拜天  
地竈門祖先

幼依次續拜然後拜賀親隣名曰

上元以麵作盞蒸作燈邊捏月分按其乾濕卜

掛燈放爆竹烟火為樂又裝演

二月二日早起煎糕助起蟄也又淨掃竈臺以

五采於背名曰小龍尾

寒食 卽有上墳土者

清明 具饌牲醴楮財象金赴先壠祭掃 又名簪日

柳枝于鬢 順節氣

穀雨 硃砂書符 禁蛇蝎

四月十五日 損太山行宮備旗纛高照傘扇鼓

名曰 香社

端午 食角黍飲雄黃酒門懸蒲艾 辟邪

六月六日 曬書籍

七夕 婦女供牛女圖以穿針乞巧又捉蜘蛛覆碗下天明以網多為獲巧蜘蛛



中元 祭祭俱有先于家逢

中秋 之士夫家作月月餅餽送庭院設酒果對月飲

來年雪 打燈

重陽 蒸麵糕釀菊花酒 士民相約登高

十月朔 祭墓如禮

冬至 祭祖先于家如中元禮弟子 拜業師如清明端午重陽儀

臘八日 以細米加棗栗等果實和肉塊羹糜食 之名曰臘八粥取兔血和蕎麥麵加雄

黃硃砂茶葉煮熟為塊 令幼兒食之能解痘症

二十三 日 暮祀竈神名曰辭竈供品以糯米為 餅又祀薦小糖瓜元夜竈臺尋獲某穀

必多  
種之

二十四日

嫁掃舍宇之日後凡有按所為不擇書力憲書其

非宜  
慎之

除夕

易門神桃符春聯夜食棗栗蘿葡馬齒菟  
餛飩名曰守歲家長分帶歲錢與兒孫奴

婢

災祥

明

萬歷四十三年大旱 四十四年大饑指揮陶

繼祖煮粥賑濟全活甚衆

天啓六年閏六月大風拔木伐屋五穀挫折無遺

崇正二年指揮王運隆重修明倫堂堂成樑柱鬪筍處生木靈芝一本狀如五色祥雲莖赤如丹色光如漆鮮明瑩潔精彩射人諸生結彩張樂以爲文明之慶 十三年饑 十四年大饑人相食

國朝

康熙三年旱 四年大旱巡撫周有德具

題蠲免本年租糧 七年六月十七日地震 九年冬大雪平地丈餘行人死者無算屋內亦有凍死者 十年六月大水蠲免租銀十分之二 十八年七月二十八日地震 三十六年饑 四十二年春潦夏旱秋賊船入寇登州甯福文登三營官兵屯聚物價騰貴 四十三年春大饑餓死者枕藉或燒死人食之夏秋瘟疫盛行民死幾半奉 詔連免三年田租 四十五年大有年 五十二年



詔免山東租 五十六年正月二十六日大雪極寒  
繼以雨冰行人有倒斃通衢者

雍正元年大有年 二年

詔連免三年田租各十分之三冬大雪 九年春饑

乾隆四年先旱後澇秋成歉薄 五年春

詔免關口糧稅關東糧艘不絕又開倉平糶民不爲

災 六七等年春間俱有糧艘入口地方稱便

十七年大水次春饑甚巡撫阿

奏令商人赴奉天採買免其征糧艘銜尾而來甯

海文登榮成三邑賴以全活

兵事

明

永樂四年倭寇揚帆於劉公島聲言攻百尺崖而卒擊威海幾無噍類掌印指揮扈口督率世職及春秋兩班操軍鄉城門夫壯丁力死堵截三日後都督徐國公朱口統兵援戰倭寇始息六年始置登州備倭都司以節鎮沿海諸軍正德六年三月劉六劉七等寇文登威城戒嚴

指揮劉平督理城操團練軍馬賊聞砲聲遠遁

嘉靖二十三年倭寇至自膠抵威海栲栳島洋

為風所阻泊岸依山嘴官軍不能前數日持刀

出官軍獲之載府志文登志  
作三十九年

嘉靖間海賊王憲五據劉公島造房五十三座

御史藍玉率汛兵逐之兼火其廬事載府志總  
督備倭題名

記

# 國朝

順治十八年秋棲霞于七倡亂遣常和尚等寇



文登威海掌印守備徐宏謨招集鄉勇八百餘名部署千把總刻期操演捐俸犒諭居城頭六月城賴以安

康熙四十二年七月初六日賊船四隻自東來襲二商船商船泊教場頭賊船泊劉公島相持二日初九日賊揚帆放砲商人急遽奔岸賊遂攫貨物牽船於劉公島前焚之火光燭天衛守備費允倫率城內居民嚴加守禦文登營副將張陳武甯福營守備馬明禮登鎮總兵王文雄



領兵先後俱集民賴無恐副將張陳武欲調水師營船用火攻戰文雄不可運登州大砲擊之賊迺不敢近岸各將旋營留遊擊守備等官防守至八月中旬賊始颺去先是賊泊島前掠取一空脅島中愚民送偽牒赴城內僭稱建飛六年營將責其通賊械至省巡撫兩司原情宥釋島民德之

五十一年八月賊船擄劉公島張于馬三姓幼童三名十月十七日水師營遊擊滕國祥率舟

師捕海賊陳尙義於雞鳴島前賊船圍攻縱火  
國祥力戰死之雞鳴島與劉公島相隔六十里  
衛守備韓公遠率汛兵居民晝夜巡城賊去始  
解嚴



威海衛志卷之二

建置志

敘曰輿地志謂登萊突入海中余嘗譬之於匏  
成山其柄而威海則右頂着手處也勝朝倭寇  
不息爰建衛所登州除腹裏二衛專城有四威  
海係首衝據上遊而居要地東省之屏藩寄焉  
若城池若公廨若坊表若橋梁或一邑之遊瞻  
或百年之建置皆繭絲保障之遺意作建置志  
城池



# 威海衛城

明洪武三年十一月立衛永樂元年建

一樓十八步動甯海文登夫役軍三民七修之門

四樓舖二十池闊一丈五尺深八尺宏治二年

巡海道副使趙鶴齡疏動太山香錢數百金重

修崇禎九年使防院楊文岳同監視軍門下把牌

太監楊欽周從善請帑金二千餘兩並起附近

文登縣匠役人夫軍三七專委文登知縣韓

士俊協同本衛指揮陶運化重修撥丁國朝康熙

中奉文隨便補葺頽城守備李標撥丁夫修之

# 百尺崖後所城

二磚丈城週三尺百三十二門樓舖六丈闊

關一丈五深

營城尺在五寸闊北五尺祀臺週二一樓房三高一丈七

七間  
守備張懋昭  
正五年  
登鎮州  
兵黃三元  
驥五十  
題請六年  
建

造現汛  
兵防守

### 公署

衛治在東街明指揮國朝守備衙署大堂三  
間東西武庫二間堂後正宅三間東西廂

各三間堂前廊房各五間牢役房各一間儀  
三間角門各一間賓館三間土地祠一間大門

三間週八十年崇正十年指揮董祚豐重建大  
門順治六年守備于有光重建大堂以後傾圮

歷官俱  
僦民居

### 經歷司

### 鎮撫司

# 左所廳

前所廳以朱姓上劉姓附賄通吏久胥用賤價領去公署

變為民田矣

後所廳在城內百尺崖所

儒學公署熙舊在文廟東久廢後買丁姓民舍康

丁家巷廢址變賣正議興修賈旋告休十九年

西修草舍一區前後五年進五十年教授崔玉

陰陽學明設國朝裁

醫學明設訓科一員俸創藥局施濟亦廢

巡檢司署 乾隆三十大門 年巡檢唐拱儉因衛治

間住房 間班房 間廂房

把總署 無

豫積倉 設在衛西北隅舊

後所倉 設在城內舊

社倉 在衛治東南康熙十年守備李標創建

守備鄭承恩 捐穀五百石 雍正二年奉勸捐

監穀倉 在關帝廟後雍正七年守備張懋昭領

五錢買監穀二千石八年領藩庫銀六十兩

又捐銀五十兩建倉五間貯監穀款歲詳請平



糶民食  
其利

講約所

在昭關帝廟內  
宣正間守備張懋  
每逢朔望  
諭廣訓

普濟堂

在雍正正舍六間  
養濟鰥寡疾坐落東街  
養守備張懋昭奉文勸捐建

察院

在西門裏  
久廢

陽關亭

在衛西二里  
久廢

急遞舖

在甯海曰雙島  
新設遞文登曰草廟子  
四年巡撫陳島

曰豆節頭  
係舊設

演武廳

在衛東教場  
內今圯

漏澤園

在衛西門外  
奈古山麓地盡  
數十畝今為居民侵佔殆盡

都里

在文登縣新汪都三里漢曰石落村元曰清

在城四集初四十四街二十四東街初九南

在鄉一集東倉集在衛東北二里明係

武備

威海衛明設指揮二十員鎮撫二員左前二所

千戶十員百戶二十員京操春成七百八十四

名秋成五百八十四名捕倭軍登州營一百二

十六名文登營一百五十九名守城軍七十五

名種屯軍二百二十四名守墩軍二十四名守堡軍一十四名百尺崖所明設千戶五員百戶十員守城軍三十五名守墩軍一十八名守堡軍六名

國朝順治二年威海衛改設守備一員左前二所改設千總二員後所改設千總一員順治十二年左前二所裁併入衛康熙四十一年後所亦裁併入衛雍正十三年衛裁只設巡檢一員明設陸前營馬步兵丁二百五十名調防文登

營馬步兵丁三百名

國朝調防文登營馬步兵丁二百五十名康熙十九年新分甯海營汎地改屬調防甯海營馬步兵丁一百五十名雍正五年現存甯福營外委把總一員馬兵二名步兵三十名乾隆三十七年登州鎮總兵寶璜

奏請移駐經制把總一員調撥馬兵五名步兵二十五名字識一名

雍正六年新設民壯三十名十三年改設弓兵



二十名威海衛屯十八處曰白露曰板橋曰赤

溝曰陡阜曰岬山以上俱在文登境內曰千金曰冶頭曰

瓦屋曰武計曰孤山曰夏村曰安子口曰乳山

曰柳行曰康家埠曰孫英莊曰楊村曰浪煖以上

俱在甯海境內近有分屬海陽者

威海衛明設武庫貯甲冑弓矢大小砲藤牌狼

筯旗鼓鎗刀各色軍器庫廢砲解弓矢甲冑物

化

國朝雍正五年現存弓箭六副烏鎗十四桿紅夷砲

五口過山鳥三口小砲十五口腰刀三十二把  
六年新設壯丁器械鳥鎗十二桿長鎗六桿弓  
箭十二副

威海衛墩九座曰遙遙曰麻子曰斜山曰磨兒  
山曰樵子埠曰陳家莊曰古陌頂曰廟後曰朱  
家嶺

百尺崖所墩六座曰望天嶺曰蒲臺頂曰百尺  
崖曰蒿里曰老姑頂曰曹家島

威海衛堡四座曰曹家莊曰豹虎曰峯山曰天

都

百尺崖所堡三座曰芝麻嶺曰竇家崖曰轉山

威海衛砲臺三座一在長嘴一在教場頭一在

祭祀臺

威海衛教場正在東門外有堂有將臺有壁壘崇

今廢

百尺崖所教場久廢

坊表

武舉坊為指揮李仁立

三科武舉坊

為指揮王應

貞節坊

有三氏一為陳門趙氏立於東街一為苗

街在北

餓殉坊

為生員董攝元繼室都氏

烈女坊

有二一為阮希朝妻張氏立於張

苦節天褒坊

為貞婦生員陶

橋梁

駟馬橋

在南街舊傳東方百戶修兩海券可通行人

雍正八年重修  
更名



楊家炕橋有地二方在衛南六里山道水衝激旋修旋

村

李公橋守備李標挽河北流于東

竹島橋

威海衛志卷三

學校志

敘曰相傳威海學始於嘉靖碑建自永樂考威海賦又云建自正統此無初建碑記及舊志不傳之過也閱明史徐琦列傳正統十四年從巡撫徐琦所請沿邊衛所各建學校始恍然於嘉靖碑記爲傳聞之誤矣嗣後泮宮嚴正與州縣時以故

國朝文人鵲起科第遠勝前明顧興修之功一在守

土一在紳士猶憶教授王公瀛募學宮疏顏曰  
亦僧鉢所以諷且警者何遠以深也作學校志  
學宮

衛學在衛治東正統初建嘉靖六年巡察海道  
副使馮時雍重建萊陽進士趙文耀有碑記萬  
歷八年指揮王心加重修天啓五年指揮李世  
勳重建崇正二年指揮王運隆重建明倫堂指  
揮陶運化重修戟門泮池櫺星門石坊順治間  
重修康熙間創建崇聖祠守備朱孚吉創建名

宦鄉賢二祠教授王瀛改名宦祠草堂爲瓦屋  
又守備張邁良豎

御碑二座教授王謙志創建照壁守備韓公遠重修  
西廡遍設兩廡木主樹柵欄于櫺星門外雍正  
四年教授張介正重修明倫堂七年守備張懋  
昭奉文鑄

聖訓碑一座豎明倫堂乾隆二年邑人布政使王士  
任捐俸銀二百兩重修大成殿改樑易柱桷拱  
全易高起五尺肖像一新邑貢生郭文大有威



海學紀事詞乾隆四年五年闔學用學田租息  
 增修兩廡各二間易竹笆以木板重整周圍牆  
 垣八年用學田餘資重建崇聖祠其廟制中為  
 大成殿東西為兩廡前為戟門及泮池池之南  
 櫺星石坊在焉兩廡迤南左為名宦祠右為鄉  
 賢祠殿後為明倫堂東為崇聖祠西為教授宅

社學

明設社師一人奉學道批以本衛儒童文  
 行優者主之教小學生徒如萬歷間劉澤

久天啓間郭躋瓊崇正間  
 戚世振皆社師也今廢

廣翁社學

教授張聯箕設於學  
 署詳藝文志今廢

九容社學

邑致仕訓導戚景  
總設于廳事今廢

李公社學

在衛治西康熙十四年守備  
李在衛建延名宿為師今廢

韓公社學

在關帝廟康熙四十九年守備  
韓在關帝廟康熙四十九年守備  
公遠奉文延師課童蒙今廢

學田

萬歷十三年巡撫李清查官地共一十二

段積地七十畝四分一厘三毫送學收租提學

道置循環簿倒換稽察知府王批此地許

招人佃種不許生員領耕行學官吏秉公遵行

邑貢生吳宗魯有碑記天啓六年水衝沙壓報

道免租後退灘地門斗私耕未經詳報自康熙  
中年本學生員管理不均遂多侵蝕公議將學  
田送與庠師羅光嗣羅出錢若干重修文昌閣  
前城牆而贍士之典亡矣雍正十三年裁衛闔  
學生員呈請留學田以供修葺學使喀公爾欽  
及文登縣知縣王公維幹俱准照存案

計開長潤四至照學田碑記

文廟並官宅基址四面射直長六十二步 潤  
三十八步 東至陶家園 南至大街 西至



姚百戶宅

北至水溝

姚百戶宅今為生員戚成允宅曾借址二三尺

作廂房基歲出租錢三百文帖存生員汪育芹處

學北凹地一段東

西長九十步

闊折六十九步

東北二至馬

路南至皂角樹

西至柿子樹

凹地西一

段長折四十五步

闊折二十五步

東至皂

角樹南至小灣

西至王家園

北至凹地

東門外南濠地一段長二百六十五步闊

折十步四至濠厓東門外北濠地一段長

二百一十步闊折八步半四至濠厓墀



濠地三段 一段長八十五步 闊折十六步

一段長四十步 闊折十五步 一段長

十步 闊折 步 以上三段俱四至

堰

西門外北濠地一段長五十七步 闊折十四

步 四至濠厓

廢倉地一段長四十六步 闊十七步 四至

牆

眞武廟下地三段 一段長六十七步 闊八

步一段長四十七步闊折二十三步一段長折三十三步闊折十五步以上三段俱四至堰

除文廟基址外共地十二段積地共計七十畝四分一厘三毫

論曰漢高祖過曲阜以太牢祀孔子歷唐宋元明俱有封謚然未有崇儒重道如我

朝之盛者

聖祖製碑文

三聖題匾額輝煌日月千古爲昭若社學若瞻田孰  
非激揚士子廣厲德造之深心哉爰詳著於篇

威海衛志卷之四

食貨志

敘曰禹貢敘青州之貢僅鹽絺海錯豈非其時地濱于海民貧而土瘠乎然三千年來生息既滋版章日闢其丁徭屯賦可考而知也恭蒙盛朝無額外之征瘠土有耕餘之食民駸駸乎有吳楚風矣作食貨志

丁徭

明時本衛無他丁止以官舍軍餘爲主戶官卽



指揮鎮撫千百戶本身爲官長子爲應襲承受  
祖職庶子爲舍人出幼則充丁軍卽京邊城操  
捕倭屯田墩堡諸軍本身爲軍長子爲軍牙頂  
替祖軍庶子爲軍餘出幼則充丁兩項有編審  
納銀者名曰銀差有選充牢役軍伴屯催書記  
者名曰力差先年法久弊生世官易作威福多  
揀殷實充役萬歷四十七年掌印指揮董殷鑒  
前非據闔衛公呈通詳各憲額定條鞭審差照  
三則納銀牢伴等役額給工食招募衛人以安

舊冊無存以順治十四年丁徭清冊雍正五年賦役全書爲正

國朝順治間原額三則人丁五百七十丁

原額中則人丁一十丁每丁征銀八錢九分五厘共該銀八兩九錢五分內於康熙元年爲登屬被賊殘破等事一案除豁死亡中則人丁七丁該免銀六兩二錢六分五厘見在中則人丁三丁該銀二兩六錢八分五厘康熙五十五年

年

盛世滋生增益人丁三丁欽奉

恩詔永不加賦雍正五年攤入地畝征收

原額下則人丁一百八十一丁每丁征銀六錢九分五厘共該銀一百二十五兩七錢九分五厘內于康熙元年爲登屬被賊殘破等事案內除豁死亡下則人丁五十三丁見在下則人丁

一百二十八丁續于康熙三年新增下則人丁八丁十六年新增下則人丁六丁十一年新增下則人丁八丁十六年新增下則人丁二丁二

十年新增下則人丁二丁二十五年新增下則  
人丁三丁實該除死亡下則人丁二十七丁該  
免銀一十八兩七錢六分五厘見在下則人丁  
一百二十八丁該銀八十八兩九錢六分新增  
下則人丁二十六丁該銀一十八兩七分見在  
並新增下則人丁共一百五十四丁該銀一百  
七兩三分 康熙五十五年  
盛世滋生增益人丁七丁欽奉  
恩詔永不加賦 雍正五年攤入地畝征收



原額下下則人丁三百七十九丁每丁征銀四錢九分五厘內於康熙元年爲登屬被賊殘破等事一案除豁死亡下下則人丁四十一丁當年新增如額共下下則人丁三百七十九丁該銀一百八十七兩六錢五厘雍正五年攤入地畝征收

康熙元年額外新增下下則人丁六丁三十年額外新增下下則人丁二丁三十五年額外新增下下則人丁二丁四十年額外新增下下則

人丁二丁以上額外新增下下則人丁共一十  
二丁每丁征銀四錢九分五厘共該銀五兩九  
錢四分 康熙五十五年  
盛世滋生增益人丁一十四丁欽奉

恩詔永不加賦 雍正五年攤入地畝征收

康熙元年招撫流移人丁一十二丁每丁征銀  
二錢九分五厘共該銀三兩五錢四分雍正五  
年攤入地畝征收

附明天順間安插三姓彝人到衛共八竈每竈  
給地五十畝山一區歲支廩給銀共二十

兩額設甯海州倉口支給養兒無差耕地無糧  
酌扈從功也但威海城邊地薄山童有名無實

明末丁地銷盡僅存人口一二國朝人册當  
差與軍戶一例一戶馬黑麻今馬姓一戶黑台

今蘇姓一戶拜  
奚只今傳姓

### 屯賦

威海僻處文登北鄙山窮水盡海口衝險設官

設軍向無田地前明設軍屯一十八區取甯文

二邑隙地令屯軍自種自食倣古人寓兵於農

之意原無征收解例也

國朝官廢軍裁屯田荒棄順治三年本衛指揮陳萬



言署守備事遍歷十八屯招佃開墾按熟起科  
征銀充餉名曰屯糧衛有起解昉于此矣四年  
部推掌印守備于有光兼管屯田極力開拓漸  
次續報明末屯田條段概不可考謹照順治十  
四年屯糧清冊雍正五年賦役全書爲正  
國朝順治間原額一例屯地九十二頃三十一畝五  
分九厘六毫每畝征銀二分九厘三毫六絲四  
忽五微共征銀二百七十一兩八分一厘二毫  
七微四纖內除拋荒地三十一頃二十七畝八



分六厘六毫三絲該免銀九十一兩八錢四分  
八厘二毫五微九纖九沙八塵五渺成熟地五  
十一頃四十七畝征銀一百五十一兩一錢三  
分九厘八絲一忽五微自康熙四年至五十七  
年新墾地共九頃五十六畝七分三厘七絲共  
征銀二十八兩九分三厘九毫一絲八忽六微  
四纖一塵五渺成熟地並新墾共六十一頃三  
畝七分三厘三絲共征銀一百七十九兩二錢  
三分三厘一微四纖一塵五渺

雍正七年各屯首報地八頃三十畝八分次年  
起科八年守備張懋昭勸墾各屯荒地四頃二  
十五畝七分七厘七毫四絲三年後起科  
雍正十二年守備張懋昭查報各屯荒地共一  
十一頃五畝七分二厘五毫內登州府文登縣  
威海衛儒學公捐銀四十六兩置買牛具籽種  
分給貧民助墾  
雍正十三年裁衛十八屯已墾未墾地俱歸併  
甯海州文登縣及新分海陽縣

起運

查康熙十九年起解戶部銀七十九兩三錢六分九厘零錢糧不敷有從甯海州濟南衛撥補者雍正五年賦役全書載地丁共征銀四百八十六兩三分三厘零內載敬陳管見事案內奉文通省應征丁銀自雍正四年爲始攤入地銀內征收本衛應攤征人丁銀二十兩七錢八分三厘零較之現在人丁共該銀三百六兩八錢實減人丁銀二百八十六兩一分六厘零下剩



實征銀共二百兩一分六厘零查本衛額編存  
留銀二百二十一兩八錢一分二厘七毫今下  
剩實征共銀除無起運銀兩外尙不敷存留銀  
二十一兩七錢九分六厘零奉文自雍正四年  
爲始在甯海州地丁銀內撥給是衛無起運也  
存留

明官俸役食無考今將

國朝順治以後陸續奉裁者開列於後

守備下

疏菜燭炭銀八兩  
心紅紙張銀八兩



教授下

八兩四錢後裁三分之二

廩銀每名膳銀每名

二兩後裁三分之二  
馬銀二十四兩後裁去十三兩六錢

雜項

一進表箋銀五兩一考貢盤費  
一表箋銀五兩一考貢盤費

賞銀四兩以上俱順治十六年奉裁  
考賞銀四兩以上俱順治十六年奉裁

觀風銀四兩起運院  
觀風銀四兩起運院

雍正五年存留銀兩開列於後

官俸役食銀一百四十七兩內

本衛守備一員俸銀一十八兩七錢六厘薪

銀四十兩門子二名工食連閏銀一十二兩

銀四十兩錢快手二名工食連閏銀一十二兩

四錢半役六名工食連閏銀一十二兩四錢馬夫一  
夫二名工食連閏銀一十二兩四錢馬夫一名  
工食連閏銀  
六兩二錢

雜項銀七十四兩五錢六厘內

霜降祭旗銀并衛學祭祀文廟銀八兩六錢

二分春秋丁祭銀八兩三錢八分

廩膳生二十名廩糧銀五十七兩八錢六分六

厘七毫以上俱由本衛奏銷

本衛教授一員俸銀三十三兩一錢一分四

厘齋夫三名工食連閏銀三十三兩七錢七分  
厘齋夫二名工食連閏銀十三兩七錢七分

六毫六絲  
三錢二分  
門斗三名  
文廟香燭銀二兩五錢二分  
工食連閏銀二十二兩

俱由甯海  
州支領

歲貢生盤費並袍帽傘蓋等項銀十兩四錢  
甯由

海州  
支領

學院錢糧  
廩生租二十一名學租銀六兩極貧生四

租銀二兩四錢  
支領近由學院按臨時點發

起送會試舉人及新舉人牌坊長夫銀  
由布政司支領

進士牌坊長夫銀  
由戶部支領

雍正六年新設民壯三十名工食銀共一百八



十六兩州由甯海支領

雍正七年添設守備養廉銀三百兩內甯海州支銀二百

六十四兩本衛地丁錢添設守備紙張銀二十

兩由甯海支領添設關帝廟祭祀銀三十兩由布政司支領

雍正十三年裁衛以上各項俱廢

雍正十三年移駐溫泉寨巡檢一員俸銀三

十一兩五錢二分養廉銀八十兩皂隸二名工

十二兩四錢以上弓兵二十名工食連閏

鹽法場食楊家灘行鹽先是皂戶妄指民地為鹽



伊等不肯包賠遂假稱民耕皂地應納皂銀實則私收以充皂丁也又恐當官無據乃私自丈量畝數載所在魚鱗册以爲構訟計近時皂丁盡入皂糧伊所在賴民間皂糧加倍私收名曰場皂不知此弊何

時別清也  
附額  
額外  
佃天啓間文登知縣解啓衷條陳各海口

票納稅捕魚雍正七年守備張懋昭詳革勒石永禁無課程牛驢雜稅船稅田稅奉文

儘收儘解  
當稅無定額

# 物產

## 穀屬

高地宜麥黍穀黃豆菘豆窪地宜秫稗黑豆至

芝蔴麻子蘇子稻小豆豇豆蕎麥亦有種者

蔬屬

山蔬以菌爲上但不常有園蔬有葱韭蒜芥菠  
芹匏茄萵苣黃芽菜茼蒿蘿蔔蔓菁扁豆等物  
金簪蕨菜芋山藥罕有植者海蔬若龍鬚紫菜  
龍腸亦間有之近有種番蘋者

果屬

桃李杏俱常果棗甚梨栗柿棣葡萄木瓜櫻桃  
核桃蘋果柰子白果文官果俱間出惟石榴最

國朝雜錄  
卷四  
十一  
威海九華小學校重印  
宜土性

瓜屬

王瓜甜瓜西瓜番瓜俱宜地瓜果南瓜冬瓜絲瓜  
間出近有哈密瓜其味絕佳

木屬

山最宜松凡幽谷深巖葱鬱彌望自屢敗於海  
筏疊殘於松狗而蜀山童童木價不啻倍蓰矣  
外若樗柳柞槐柏楸足以利用桑可飼蠶蠟可  
產蠟楮可杪紙梧桐可駕漁筏皆爲有用之材

餘則竹楓皂角生樹棟樹間一有之非常產也  
花屬

迎春薔薇月季芍藥玫瑰牡丹藤花紫荊海棠  
望江南剪秋羅芙蓉菊玉馬鞭諸花皆與文登  
相同因土性寒冷且不得蒔養之法

### 藥屬

藥亦有二十餘品問之醫家惟防風黃芩枸杞  
瓜蒌仁荆芥兔絲子地骨皮蔓荊子數味爲佳  
餘俱味薄邊海漸種沙參最佳



羽屬

與文登無異惟康熙四十年間有鳥棲東門外  
連呼王官哥三字音響激越夜靜可聞數里說  
者謂口外深林有此鳥不知何以至此五十二  
年烏鵲來巢鬻子亦前此所未有者

毛屬

馬騾牛驢羊豕犬猫皆豢之於家者山則狼與  
野豬最爲民害近則野豬絕跡矣狐獾麇兔貉  
蝟鼠狼亦間有

# 水族

海鮮最貴泗人獲利頗厚青魚最多驚蟄以後  
穀雨以前重網或至數十萬以小罟取者有鯽  
有偏口以罟取者有青菜有燕兒以罟兼擲者  
有鯁有鮫有鮠以網目勒取者有王鮪有秤星  
以餌取者有鱈有黃有黑有鱈有嘉有敏有黃  
姑有黃安有馬鰲有河豚有澇班有禿頭星近  
有下緝線者聽其自釣乘筏摘取種類尤夥蛤  
蜆淘於潮邊蚶剝於石房螃蟹捉於退灘蟪肖

蠕動不克殫述外若海狗鷹鰕之類非常產者  
不載

蟲屬

蠶能吐絲蜂能釀蜜琴蟬蝴蝶蜻蜒蟋蟀諸類  
俱有

泉屬

山綢爲最椒繭樗繭謂之小繭其價貴柞繭謂  
之大繭價次之桑謂之棉價又次之布麻葛地  
亦間出

# 器用

細席較勝他處陶冶只出磚瓦不能爲器皿  
論曰今天下民困甦矣而威海積弊向有未盡  
除者其已除者一曰丁徭文邑每丁征銀一錢  
八分七厘零而威海則每丁征銀八錢九分五  
厘下則每丁征銀六錢九分五厘下下則每丁  
征銀四錢九分五厘是一人常兼數人之賦矣  
康熙七年守備朱差役赴省解銀五十餘兩  
在道遺失本役賠補無力公議每丁暫派銀七



分以完解項後因循日久未經開除遂將加賦變爲正額以致死絕逃亡不能除豁一人常納數丁雍正五年蒙

皇恩丁銀攤入地畝貧者始慶更生焉其未除者一曰編審前明有銀差有力差法久弊生世官每取殷實之民充當牢役軍伴屯催書記以致身家立破掌印指揮董勇挾指積弊詳請條鞭各項雜差俱免編名止分三則納銀牢伴等役各給工食招募軍困始甦康熙四十四年守備費

允倫聽積蠹韓威之謀僉報平民應役被害與  
前明等至裁衛後守備張懋昭將各屯戶分送  
各州縣一遇編審之年文登審戶宜也乃甯海  
州海陽縣亦按冊到衛票提十羊九牧何以堪  
此一日里差威海負郭俱隸文登因軍不當民  
差每畝加銀四厘名曰寄莊地共加銀一百一  
十九兩九錢二厘載在文登志可考自順治二  
年里蠹姜學禮僉報衛人替當民差閤衛哀鳴  
各憲蒙院司道等批旣當軍差自不當以民差

疊累仰登州府嚴飭報府批甯海州審結當將  
姜學禮責枷以警軍民照舊各差順治九年奸  
蠹藐法不遵僉報逃亡日多幸巡按馮公東巡  
闔學公呈此弊蒙批寄莊於徭糧之外另有加  
征地畝銀兩正爲軍置民產不便當差而設至  
於挨甲順里之差軍衛有司原自各別豈得軍  
當民差仰文登縣照舊例行繳仍取該縣遵依  
勒石永禁歷年沉痾一旦豁然雍正七年單頭  
姜一璜僉報十排專累及紳衿及業儒子弟署



縣羅 偏袒幾翻前案幸現行滾單糧役革  
除始免挾嫌妄報之苦一日軍犯名之軍犯年  
久俱入衛籍原可相安近則衛裁而軍犯仍發  
邊海舊衛繩繩相繼不下二十餘家每逢集市  
糧草雜貨任意抽剝莫敢誰何一遇潛逃累及  
里甲卽逢

恩赦竟有不欲回藉者夫衛裁則官無正員似軍犯  
亦當稍爲變通以上俱係民害不可不除至士  
爲四民首自當各照籍貫前明廩貢缺出往往



被外學冒補賴邑諸生黃家相負疏登聞夙弊  
始除我

朝崇儒重道疊蒙

列聖作養廣學額增廩餼乃雍正十三年河東總督  
王士俊條陳裁衛學併榮成現廩俱改爲候廩  
出貢則榮威兩學校年分二年一貢學額歸榮  
成績在榮成補現廩五名乾隆二年因人戶以  
籍爲定改屬文登現廩仍改爲候廩出貢則合  
文登威海靖海三學校年分二年一貢學額仍

照文登之舊止一十五名使雪窗螢案之士埋  
沒於寄居舊邑之中實屬向隅是不能無望於  
留心民瘼者迨乾隆十六年十月內學院李因  
培

題請文威靖三學廩生輪流一年一貢俟舊廩貢  
完續補新廩仍由文登二年一貢奉

旨依議甚盛典也原疏另載



威海衛志卷之五

典禮志

敍曰禮取諸履君子以辨上下定民志繫辭云  
物畜然後有禮故受之以履是國於天地必有  
與立天不變道亦不變也 孔子爲定禮之宗

我

朝典禮有加

御製匾額崇封五代釐定賢儒博士凡祭品樂舞罔  
弗燦然有章壇廟列祀典者始以類從他若飲



射賓興應俱臚列於後作典禮志

祠祀

先帝廟祀

先師孔子四配東西侍十二哲次之先賢先儒

列兩廡歲以春秋二仲月上丁日致祭祭師用帛先

一白磁爵三牛一羊一豕一登一銅二簠二  
二籩十豆十酒罇一羊一豕一配每位帛一白磁爵各一豕一

三羊一豕一銅二簠二案帛一白磁爵各一豕一  
十哲十一案每案帛一白磁爵各一豕一

銅各一簠一簋各四豆各四豕首一  
廡帛二每位銅爵三簠各一簋一籩四豕四肉

一以上俱雍正二年欽定衛不能  
備四配十哲兩廡各設祭二壇

齋戒 喪期前三日 帶齋戒牌 不飲酒 不茹葷 衣不宿

于別所 致齋一日 祭事

迓榜 期生前二日 擇善書生員 錄榜將主祭官 執

教授 僉押懸 掛明倫堂

省牲 守備 教授 率生員 預

祭品 帛香燭酒 太羹羊豕 鹿兔黍稷 稻粱形鹽

醢醢 鹿脯 毛血 庭燎 魚

祭器 爵登罇 釃簋籩豆 帛篚 香爐燭臺 毛血盤祝版 架

樂器 磨金鐘玉磬 鼓搏拊祝 祝 篪 瑟 排簫笙 簫 笛 塤 箎 柷 敔

舞器節羽簫

樂舞生六十四名欽定衛無樂舞錄之以昭典禮二年

### 祝文

儀注丁日丑前五刻行實饌具點視訖易服迎神行三跪九叩禮者

奏咸和之曲初獻奠帛讀祝文亞獻中獻以次行之飲福受胙四叩謝胙徹饌奏咸和之

曲送神行三跪九叩首禮奏咸和之曲乃望瘞禮畢

### 崇聖祠祀

肇聖王木金父裕聖王祈父詒聖王防叔昌聖

王伯夏啓聖王叔梁氏以顏無繇曾點孔鯉孟

孫氏四氏配周輔成張迪程珣朱松蔡元定五人從食凡祀日先祀崇聖祠祭品正位視四配共五壇配位視十二哲共四壇從食視兩廡共二壇俱雍正二年欽定衛不能備止設正位祭一壇配位及從事東西各設祭一壇

文昌祠

有二一在城東門上順治間之

貢生阮述芳創建乾隆二十三年像移環翠樓舊廟遂廢春秋丁日用羊一帛一籩豆蔬

果之類

魁星樓

在城東南角崇正十七年庠生畢世隆等改



向面上北重修祭以春秋仲  
月上丁祭品同文昌祠

名宦祠 祭品同兩廡  
守備主祭

鄉賢祠 祭品同名宦  
教授主祭

附饗胙 祭日頒賜之外除豕一羊一並肝肺雞魚  
饌饌果酒類午刻主祭官及祭生

同宴于明倫堂康熙熙禮頌胙 祭畢除豕一羊一仕宦  
四十二年始廢其禮

及甲科貢生康熙五  
十四年始廢其禮  
○自裁衛之後闔學不忍

舉行如制

先農壇 建在城外東北隅雍正六年守備張懋昭  
正殿三間配房二間門樓一間牆垣

祭壇俱全祭以仲春上戊併衛  
後壇圯基地為居民谷姓佔耕

風雲雷雨山川壇張在西門外祭雍正六年守備

城隍廟在衛西街康熙五年重建邑侍讀學士

祠附廟內庶民送紙祀之

關帝廟在衛中崇禎四年舊以鯨魚骨作樑形勢未闊

樑重建仍以鯨骨作捲棚廣輿記甯海州東石

祭以二月上戊五月初五

軍牙六纛祠久廢每歲霜降守備

馬神廟在衛西北

藥王廟在衛西南

海神廟

俗名龍王廟有二一在廟前一

八蜡廟

俗名蟲王廟在北門外康熙末年建後

江浙多祀之雍正六年奉人文捐建守備

公儀

萬壽節

明指揮

國朝守備率僚屬具

元旦冬至同

接

詔勅

明指揮國朝守備率僚屬紳衿具朝服設儀

讀行禮

如制

進

表箋

冬至指揮至今國朝守備不進表順治元日

年裁

日食印官率僚屬具朝服於

月食禮同

飲射

鄉飲酒禮久廢

鄉射禮射圃舊設城東南角外久廢康熙十

習射今亦廢



# 賓興

生員應試

預日衛官具帖至日設宴禮餞登天  
橋披紅簪花備儀仗旗彩親送郊

關守備李標舉  
行外竟成絕響

舉人報捷

撥夫役送赴鹿鳴嘉宴  
鼓吹旗匾赴宴歌鹿鳴諸詩郊迎

旗隊結釋菜

詣儒學歸第導行如會試禮如

進士

禮如舉貢生郊迎送匾康熙庚午始廢送郊

禮之

論曰天經地義惟禮可以維之圯族敗倫惟禮

可以止之禮之所關顧不重哉威雖僻壤而俎

豆雍容人知禮讓非徒綿蕞習儀而已也推之  
報賽有其文欽崇隆其制引年觀德詳其典論  
秀書升備其規已行者率由舊章未行者講明  
修復播爲詩歌譜之金石海濱且與鄒魯同風  
矣



威海衛志卷之六

官守志

紘曰古之能其官者生則長子孫沒則垂竹帛亦曰無忝厥守耳奚必斤斤於職之崇卑祿之厚薄哉漢之仇香宋之程珣明之孫一謙皆史册流芳無愧於守者也作官守志

職官

府志載威海衛指揮十四員經歷一員鎮撫二員左前二所正副千戶八員百戶二

十員後所正副千戶五員百戶十員與邑志不合未知孰是姑仍邑志又指揮等世職原籍始

封及承襲年分止六姓有世無缺員餘照修環翠樓重請衛印諸碑書名非盡始封也



明

指揮使

正三品方印一顆五年軍政選賢能指  
揮一員主之賢否由都指揮使司與府

道平

指揮同知

從三品

指揮僉事

正四品

鎮撫司

從五品方印一顆五年軍政選賢  
能鎮撫官一員主之賢否由本衛

千戶

正千戶所每所五千副千戶從五品左前  
後選

賢能千戶一員主  
賢否由本衛

百戶

正六品左前  
後三所百戶三十員每  
各印一顆無黜陟巡按  
下馬考察戒飭

經歷從七品移呈堂正途出一身應管軍民知縣詞訟及道府文

教授萬歷前無考

倉大使後所鎮撫吏目倉大使俱無考

陸前營遊擊

使指揮

劉琮

劉績

劉平

任文登營把總詳政績志

劉澤遠

詳政績志

王信

直隸昌黎人

王政

王勳

王都

王心加

掌印萬歷八年重修廟

王應卯

三科武舉

王運隆

詳政績志

王元輝

周貴

江南通常熟人  
宣德十年封

周斌

正統元年任

周剛

十四年任

周英

成化七年任

周岐

嘉靖四十四年任

周璋

十八年任

周京

隆慶元年任

周宗魯

萬曆五年任  
詳政績志

周裕德

三十五年任  
操修船千總  
掌邊

徐昇

徐夢鶴

徐冲斗

魏忠

正統間任  
東按察司僉事

按忠父墓在宮松嶺之麓  
按察使陳王廷題碑本衛掌印指揮李永芳篆

魏忠  
正統間任署山

額亦未知名  
史后妃傳內無魏姓或忠沒之後有親墓碑按以

下者亦未可知  
然不可考

同指  
知揮  
阮祥  
山原籍江南  
陽縣

阮繼先

阮世忠

畢文敬  
江南文南  
四年封人

畢晟  
宣德八年任

畢琮  
正統五年任

畢魁  
成化十年任

畢復初  
正統三年任

畢高  
嘉靖二十二年任  
營遊擊  
淮陽參將  
調福建興化營  
守備泗州

與少保戚繼光為刎頸  
交與化之役多賴其力

劉貴  
原籍鉅

劉元嗣  
邊操病告為  
清俊富于學問



著有家詩集

選本衛

指事王

王

愷

樓舊志記載前王政官之銜是本衛掌印指揮僉

復有王文登營備倭一把總王愷碑陰

汪山

汪

本

死明末寇臨城刃

賊數級城

張彪

李

玉

璧原籍靈

李

蘭

掌五推

李

仁

指武舉任都

李

逢

時掌印事遞陞都指

將

苗興

苗玉 江南山陽人  
苗永盛 樂南三年封人永

陶敞 原籍鳳陽縣敞祖洪洪初封登州衛父

敗倭寇事載太祖本紀卒時子幼弟鉞  
借職後殉難宣德間敞始移封威海

陶瑛 正統九年任  
陶裕 成化元年任

陶端 二十一年任  
陶大勇 嘉靖十年任

陶繼祖 萬曆三十年任  
陶運化 天啓二年任

陳福  
陳際泰

陳萬言 邊操掌印守備  
初

李雄

李世勳  
詳政績志

李鳳祥  
掌印

蔡俊

扈寧

董旺  
江南虹縣人  
舊志作董勝人

董遜  
成化十年任

董權

董春  
嘉清十年任

董用威  
萬歷五年任

董遇時  
三十三年任  
詳政績志

董祚豐  
天啓五年任  
詳政績志

劉縉  
見環翠樓碑  
陰舊志遺名

附

周榮  
以府軍後衛同知  
立功履歷未詳

周士魁  
由生員納級指揮  
掌印履歷未詳

胡紹舜千戶

胡肇胤千戶  
胡興疑與

為一派

按宏治二年環翠樓碑記備載劉宗王泰周英  
徐昇阮祥畢魁劉貴王愷汪山張彪李瑄

李玉苗興陶端陳福李雄蔡俊扈甯董遜劉縉  
二十一名周英之外並無周榮一派魏姓

胡姓絕無其人或其係捐職或移封他處或立功  
未回或緣事或無子爵除俱未可定故至今猶

傳為十八家指揮云

鎮撫司蘇彪宏治間任見  
蘇彪宏治間任見

王翰英兵部効勞補松  
王翰英兵部効勞補松

發故主喪攜  
眷泛海南遊

千戶裴鏞

陳興



陳復新

領京操國初  
揀選本衛千總

黃銘

丁宣

韓俊

韓盾光

吳敏

李芳

吳凱

吳希孔

領納級指揮  
邊操

林洪

江西南興化人  
熙元

戚亮

宣德六年  
任

戚成

天順八年  
任

戚瓚

宏治十年  
任

戚鈇

嘉靖十年  
任

戚尙賢

四十二年  
任

戚寵

隆慶四年  
任

戚宸

寵弟萬歷  
十五年任

胡興

胡璽

趙祥

余勝

謝昇

周鑑

百人戶內有周鑑名疑是之一

張雄

李魁春

按宏治二年環翠樓碑記載裴榮陳興黃銘丁  
宣韓俊吳敏李芳吳愷戚成胡興趙祥余勝謝

昇周鑑張雄十五員姓名無  
李魁春名疑與李芳為一派

戶百王玉

孫勝

夏暹

姚正

蔣鉉

朱亮

程玉

馬鐸

姚玉

王理

楊威

蔣銘

范祿

汪能

方整

整師營後守備方成國初鎮標効勞補登鎮水

陳儀

侯爵

周鑑

陳洪

李迪

許成

孫軌

崔昇

璩 凱

杭 壽

孫 鐸

李 洪

樊 璉

趙 安

崔應科

婁永壽

按正德十年六月重請衛印碑記載二百戶印三十一  
宏治二年環翠樓碑記止載百戶二十九員無

崔應科妻永壽二員姓名疑崔應科係崔昇之  
後妻永壽或爾時尙未就封或年幼尙未襲職

均未可定今  
仍舊志存之

經歷 姜延學 宛平人 萬歷

左 遷 三十五年任

李 廷 京山人 四

謝道泰 錢塘人 四



馬

輓

中牟人四  
十五年任

杜

岩

贊皇人四  
十七年任

鄭崇雅

天啓五年  
任

吳時道

江南人崇  
正二年任

王承芳

陝西人  
七年任

教授

李鳳岐

萬歷間見重  
碑陰舊志遺名  
修儒

程邦祁

婺源人

趙

炳

甯海人

王三命

陵縣人

李承學

臨淮人

杜鵬雲

黃縣人

李大臣

大同人

俞夢聖

新安人

楊于廷

陵縣人

尹就湯

遼東人

崔數仞

井陘人

王鴻範 青州人

前營擊 **王修政** 見府志 崇正九年餘無重修

### 國朝

**守備一員** 正五屯務員 管理州縣庶政兼

**經歷一員**

**教授一員** 正九品 乾隆元

**所千總一員** 掌所事 隸

**巡檢司巡檢一員** 雍正三年設 巡檢司一員 裁衛

**把總一員** 雍正三年添設 衛設 外委 把總一員 屬 甯

福營

守備

于有光

順天宿道中進士順治四年任陞

郭文秀

保定武進中軍士順治十年任陞

蘇元德

順天世職順治四年任順治湖廣德安人順

徐洪謨

紹興武進士順治十八年任因公

司其迥

湖廣武舉康熙元年任康

營中軍詳政績志

李標

浙江山陰武進

任陞湖廣都司詳名宦志

張邁良

山西武進士康熙

太湖營

費允倫

吳江武進士康熙

營陸 都金華

韓公遠 熙鹽四山武進士 康熙任

營陸 都長沙

鄭承恩 六江甯一監生 康熙任

張懋昭 宣化武舉 雍正補正六

歷經

王業遠

順天 四年 人順

鄧希開 授山西通判 五年改

任奉 裁

授教

張所聞

泰安 六年 歲貢 順

梁文憲 治東平 八年 歲貢 順

張聯箕

益都 進士 順治十四年 知府

張完臣

平原 四年 進士 康

徐成珠 熙汶上 一舉 人 康

賈瑄

益都 五年 舉人 康

姜玉英 熙萊陽 七年 舉人 康



劉鼎新

熙壽光舉人康熙十九年任

尙宗濂

平度舉人康熙二十四年任

張魁光

歷城舉人康熙二十五年任

羅光嗣

復州衛人貢康熙二十八年任

王謙志

益都舉人康熙四十年任

崔玉汝

茌平人貢康熙四十八年任

王瀛

臨淄進士康熙四十年任

張介正

齊河副貢雍正三年任

董百祥

青城捐貢康熙四十年任

王蘭生

濱州拔貢雍正三年任

紀綱振

順治奉裁四年

袁安國

順治奉裁四年

崔國威

保定武舉順治四年任

李廷徵

陝西武舉

周之德  
熙浙  
江  
七  
年  
人  
任  
康

王英  
年榆  
任林  
陞人  
山康  
西熙  
八

守備衛

高鳳彩

繆魯治  
以奉  
上裁  
俱  
駐  
百  
尺  
崖

巡新  
檢設

楊奇彥  
裁浙  
江  
衛  
山  
陰  
人  
登  
溫  
泉  
寨  
移  
駐  
年

馮耀先  
乾浙  
江  
隆  
慈  
谿  
人  
任  
陳國政  
隆順  
天  
五  
大  
興  
人  
乾

樊明  
乾吳  
縣  
二  
十  
八  
年  
任  
補

唐拱儉  
十四  
年  
任  
成  
都  
人  
借  
補  
隆  
三

龐廷柱  
四順  
天  
宛  
平  
人  
任

把新  
總設  
陳國柱  
隆河  
南  
三  
太  
七  
年  
任  
舉  
乾

李若蕙 直隸武舉 三十八年任

名宦 通祀各學 概不錄

國朝

李標 浙江山陰人 康熙甲辰武進士 十年創義

學社倉設藥局樹文峯建學署開射圃以及  
濬河挽水築堤栽柳修橋利涉詳請童試改

歸本衛考送善政頗多為人瀟灑倜儻雅歌  
投壺有羊叔子遺風著有宜堂詩集陞湖廣

都司衛人立去思碑著同聲吟首刊  
刻成帙詳准入祠為邑名宦之首

政績

明

劉平時指劉揮六使劉掌七印管屯兼理城操團練軍馬

劉澤遠變指單揮騎使掌印邊操遞互推授錦州之

周封魯登指州揮使孝友博學萬歷間掌印十年陞

陶繼祖饑指捐揮僉事萬歷丙辰年活全倭寇記功營碑

王運隆部指聽揮差使掌印陞登州水師營把總調兵

高麗以孝不聞副使

董遇時實指為揮僉事賦性仁厚舊日編審每用殷

取名遇時力抉積弊詳請條鞭各項雜差俱免

人感德事載  
衛碑及州志



吳夢麟積所弊千戶與指揮董遇時同時掌印力持

楚之苦

李世勳指揮僉事五推軍政掌印二

董祚豐遇時子軍政掌印振綱不飭紀崇正九年

山

陶運化繼祖子崇正間掌印重修戟門泮池橋

軍守備歷陞保定府城守都司

# 國朝

于有光字孟華順天武進士順治四年涖任三



朱孚吉

字平楚江甯武舉康熙三年任天性溫

隨除隨補不一致缺額屢奉編審應開除者無包

賠之累應僉報者無隱匿之弊創修名宦鄉賢

祠補葺文廟頽垣自備花紅試卷毫無派擾茹

水飲沐清畏人知兩遇軍政俱

註上考陞徽州營都司僉書

論曰國家建官文武攸分獨衛以折衝兼樽俎

膺是任者厥惟艱哉在威以官績傳者什一得

勿有諛聞動衆如王成之僞增戶口者乎得勿  
有催科政拙如陽城之願居下考者乎必採之  
輿論方爲定評後之君子觀此而動景行之思

則在在皆尸祝矣





威海衛志卷之七

貢舉志

敍曰甚矣用人之難也以周公之論秀書升而後世不免以三卿掩四科况其餘哉嗣後孝弟力田限年九品身言書判舉士十科皆因時變遷而科目則沿隋唐不改勝朝三途並用迨中葉而甲科偏重焉

國朝廣闢賢路於科貢之外間行保舉下逮韜鈴胥掾亦皆承風雲効奔奏駸駸乎野無遺賢其姓

氏爵里皆有關於激勸安可沒也作貢舉志

徵辟

國朝

王世功

字九錫黃承宗子原名朝鉞隨父任慶都崇正戊寅城破北上隸正黃旗籍順

治八年入太學九年通政廷試欽授翰林院編修歷內秘書院學士通政司右通政使提師楚南

噶喇大任通志  
係本姓任都統

王世祿

正黃承宗子原名朝鎧入黃承宗籍世襲佐領

甲科

國朝

呂曰正庚字大聲從嶽子康熙丙子舉人

王士任士字咸一新康熙甲午舉人雍正癸卯進

董可成任字集大雍正丙午舉人乾隆丙辰進士

未赴任

呂士除字萬成乾隆丁卯舉人甲戌進士

鄉科

國朝

呂自嶽午字翰臣祚芳子康熙壬子拔貢戊

呂從嶽酉字申甫祚芳子康熙辛



周士适

字合

伯

閣

康

熙

乙

西

科

舉

人

任

江

甯

六

陶元士

字純

恩

齋

威

鳳

子

康

熙

癸

巳

周士廸

字恂

九

康

熙

癸

巳

副

榜

甲

午

北

陳國謨

字麟

哉

雍

正

甲

辰

諭

戚倣淳

字太

古

雍

正

甲

辰

諭

郭文芳

字友

蘭

雍

正

甲

陶

凱

士

字華

臣

雍

呂瑤

字荆

石

曰

正

子

王

兆

聖

字念

作

士

仲

子

呂璿

字象

儀

曰

正

子

乾

陶易

字經

初

正

士

子

甲

子

優

貢

乾

隆

壬

申

處

布

政使司  
布政使司

# 制貢

陶式禮  
字思儼  
乾隆癸酉  
科揀選  
知縣

明

郭銘

夏庸

孫廣

姜秀

吳昶

陳甫

謂明時三途並用進士為一名途吏員為一途舉  
舊志按環翠樓碑書此六名上有監生二字或

人入監肄業舉貢監生入監肄業貢監共一途  
與近例納粟不貢如梅瑄王悅碑記內俱稱監

生可知錄之  
以備參考

黃芳  
嚴州府  
檢校

梅瑄知縣

黃舉宜興縣丞

夏昂玉田縣知縣

王才鴻臚寺典籍簿陞

鄒克義知縣

李純夫知縣

郭鐘稷山縣知縣

王悅字恭軒縣丞

茅容修艾山廟有碑記

谷景陽主簿正德間重

黃恩舉子松江府檢校

戚鎧太谷縣知縣

胡天秩興安州知州

戚鉦洪洞縣知縣

畢貴清苑縣丞門清如水士氣未降郡倅

閻司在坐詞色不讓未免沐炭一年告歸教

子孫最肅處鄉黨以正著一文菊詞自娛

王 佶

縣丞 王學田碑

吳 彬 教授

畢再傳

字 澗泉 靈石縣丞 致仕

周 全

郟陽縣丞

王三鯉

字 龍池 任安

董家相

歷 衡藩 教授 明時 威庠 廩缺 每為 鳳州 等

皆由 衡庠 出貢 家相 條陳 冒籍 疏稿

黃家材

周藩 教授

李鳳鳴

一府 作 通判 鞏

王三捷

洪洞縣知 舊志 作

呂 文

字 樸安 歷 葭州 州判 有政聲 文 父 第 呂 崑

世人之 以 為 厚德 之 報

王三益

陽武縣丞



戚延齡字一對樵歷野州知州時神廟有張差挺

報聞立決張差免株  
連無算事載明史  
王雲鶴

吳宗魯有學田  
王允言字玉峯任泰州

功事聞陞南  
安府通判  
吳養蒙

崔漢主簿  
吳宗周教授雲

畢勗貴子溫州  
王天道教授

王天德教授  
黃立極拔貢真陽縣知

呂應選字玉台文子由紫陽縣

戚世光字顯東任  
董逢時字葵陽歷署五州

能築皆著

鄒孔澤字化溥

判未任告病登州防院軍門曾纓慕其才特疏  
題陞中營遊擊管陸營協鎮行防院大廳事有

集海岳  
黃承宗拔貢慶都縣知

明史祀慶都名宦列郡  
志忠勇傳詳鄉賢志  
夏宗禹密縣丞

呂望周天津衛  
陶璽石州同知

改正  
王者翼三經子

陶傅璽子  
戚宗鯁世光

谷遷喬字于門景暘子嘉

按明初制貢無考僅載成化以後姓名且府志與邑舊志科分多不符故一概從刪又名外學由

本籍亦不重登載

### 國朝

順治四年為始康熙元年停八年復自康熙庚戌以後注明科分以便稽考

**戚若鯤**

字華臨軒任金

**戚景鯤**

字方閣世光子工書能詩任壽

張縣訓導缺裁立

**呂祚蕃**

字醇還應選子九容社教授生徒

**呂祚茺**

字紹儒應選子任濟南府訓導陞桃源縣知縣

**戚永嗣**

字岐陽任鄒平縣訓導再補鄆城縣訓導

**戚崇進**

字仲申戊子拔貢由鄒陽縣知縣歷淮安府詳鄉賢志知

**阮述芳**

字岸夫鴻猷子順治戊子副貢任揚州府通判詳文學志



陶贊化字乾通判歷江甯府同知戶部員外郎

戚從總字子方貢博學能文治

陳如垣字巨鎮訓導任壽 呂祚芳字德清城縣訓導

致仕 呂祚葵字奇木恩貢任武甯縣

縣丞一年告歸忠誠篤厚年八十餘手不釋卷成就後學甚多

陶開虞字欽文 夏士英字人千副貢考授州同

教授生徒及門甚盛平原張拭之張方晉文登劉焯劉炳本衛呂自嶽呂從嶽皆登巍科

董祚昌有節高 王開治字玉燭康

呂自嶽康熙壬子拔 王元鼎字九山康熙 訓



導

陶希聖

字聖洋 年失偶 義熙不 再娶撫孤姪如己 子訓導

踰古稀手不釋卷共 推敦行積學之士

李夢蘭

字瑞芝 康熙丙辰時衛侯李公

欲改疏城河恐礙其祖塋請與商之 蘭毅然 日一家之風水小合邑之風水大時論 避之

夏士彥

字仲呂 宗禹子 康熙戊午先是威庠廩 缺止七名彥遍遊六郡籲請道憲始題

准以縣學為例威成 靖大四衛俱蒙其休

畢懋第

字衡南 康熙庚申魁梧 倜儻遇

事剛斷創修衛志加意搜羅 考据掌故獲延第之力也

谷震乾

字元之 康熙壬戌

董策

字上三 十歲 入泮 康熙甲子

任商河縣 訓導致仕

周維樾

字蔭青 康熙丙辰拔貢 任高苑

縣教諭

謙和

戚膺卜

熙字枚公康  
庚午

周自興

熙字於詩康  
甲戌

法

陶威鳳

熙字德徵希聖子康熙巳卯拔貢除荏平  
縣教諭不赴好學工文巡撫李樹德探

風拔冠通省庠師王蘭生通詳各憲考語曰正

直端方謙冲和易持身教子先正典型時皆以

言為知

畢世隆

熙字西菴康  
庚辰

陶廷錫

子字晉元開虞  
康熙壬午

陶中鳳

字儀周康熙甲  
申肥城縣訓導

戚汝楠

字讓公從總子  
康熙丙寅與物

王古瑚

字宗彝康  
熙戊辰

周維正

字克生康熙  
壬申工書法

呂夢龍

字伯祥祚蕃子  
康熙丙子工書

陶廷彥

字燦公康  
熙戊寅

夏應詔字形書康熙縣訓導丙寅夏應泰字彙卿士彥子

谷種玉字崑碧子康王克生字建功康熙訓導庚寅

呂日仁字靜山康王辰字康周士迪榜熙見鄉科巳副

畢宏績字凝其康陶有鳳字翔千希聖子范

縣訓導致仕夏模字範伯士英子邱

董恭恩字子安康熙王寅諭戚汝梗字岱柱從鯁子

戚元一字惟齋壬寅陶正士字方匡威鳳子

任江西長甯縣知縣呂日卓字蒼厓夢龍子昌

甯任江西長甯縣知縣呂日卓字蒼厓夢龍子昌



樂縣訓導

王士仲

字敬伯 河縣訓導 正戊申任

李生枝

字正 丙城西 午 雍

李盛唐

字思伯 任恩縣訓導 正庚

戚汝楨

字瀛洲 正任 子 雍

戚父三

字治齊 正甲寅 子 卜

郭文大

字堯瞻 正任 子 黃正 乙 陂

縣丞續 修縣志

王汝為

字雪石 隆丙辰 乾

王兆鵬

字程九 正乙卯 子 優 貢

阮文珍

字人玉 隆丙辰 縣訓導

陶易

字隆甲 見鄉科 子 優

陳國祺

字介福 正度州 隆丙寅

陶吉士

字謙甫 午恩貢 隆

李昂

字曉園 正申任 子 肥

城縣訓導 沂水縣訓導 再補

李昂

字子超 正任 子 壽 張 訓導 乙



陶而昕字扶暉正士  
乾隆戊寅

戚塋字有常乾隆  
恩貢

陶達士字也伯乾  
壬午

王日星字南一汝為  
乾隆甲申

王兆興字五如乾  
丁亥

陶曾履字旋之易子  
乾隆甲申准歲貢

任東昌府訓導  
候補通判

王步翔字仞千乾隆  
卯副貢

李樹賢字西副昂子  
蓬萊籍

### 例貢

### 國朝

戚士琦字魏公崇進  
長沙縣知縣子  
周維樞字羽文

董莊字子臨  
由附生

例仕

明

王者佐

縣吏員武昌  
典史武昌

國朝

陶而昱

正士子附監生任  
河南輝縣主簿

陶曾恆

易子分發布  
政司經歷

陶曾恕

而昱子分發  
江蘇吏目

儒士

明

王者衡

崔萬尋

畢登科

戚襄辰  
延齡子  
湖廣都  
司經歷  
陞通判

陳秉鑑  
例監

武科

明

李

仁  
武指  
舉揮  
歷僉  
事  
中  
嘉  
靖  
司  
僉  
書  
科

國朝

谷生琰

字錫九  
乾隆庚午  
亞元  
丁丑  
進士  
歷任

八年二月二十二日  
西山梁被傷陣亡  
賜祭葬  
詳忠臣志

武職

明

李夢麟

字建小

江由

行伍

萬承翼

由將

材出

征有

都司

國朝

王鴻業

字建

堂明

武生

防院

効力

遞補

登州

右

効力

補雲

南衛

守備

調山

西羊

郭成龍

字冲

霄八

鑲藍

旗漢

軍籍

設防

廣東

有

勲封

明



戚尙賢 文庠生 林以子 延齡 貴贈 縣知

王 借 以子 三經 貴封 文 縣知

呂 文 州判 以子 東縣 知縣 文 縣知 奉

國朝

陶繼祖 子指 贊揮 僉事 明封 威將 軍 以

黃 煥 以孫 王世 功 貴贈 資政 大夫 內 秘

黃承宗 知縣 以子 世功 貴贈 資政 大夫 內

戚世隆 以子 崇進 貴贈 奉政 郎

陶崇化 次貢 以子 希聖 貴贈 導

周之標 庠生 以子維樾 貴贈

王啓瑞 庠生 以孫士任 貴贈 通奉大

王毓生 庠生 以子士任 貴贈 通奉大

陶威鳳 拔貢 以孫子正士 累贈 通奉大夫 江甯布政使

使司布 政使 周維植 廩生 以子士 適

合縣 知縣 李謙 庠生 以子盛 唐

恩縣 訓導 陶正士 長甯縣 知縣 以

贈通奉大夫 江甯 陶申士 庠生 以子易 貴

江甯布政使 司布政使 谷允宜 以孫生 琰 貴 賜

川松  
營都司

松潘  
都司營

明

徐

李

許

畢

叢

谷子宏  
昭以子生琰貴贈  
武大夫四川

氏  
以子戚延齡  
貴贈孺人延齡

氏  
戚延齡繼室  
封孺人繼室

氏  
以子呂應選  
貴贈宜人選

氏  
呂應選繼室  
封孺人繼室

氏  
以夫王三鯉  
貴封孺人鯉

叢  
氏  
以夫戚延齡  
貴贈孺人延齡

郭  
氏  
以子呂應選  
貴贈宜人選

夏  
氏  
以夫呂應選  
貴贈宜人選

董  
氏  
以子王三鯉  
貴封孺人鯉

畢  
氏  
以夫王者翼  
貴封孺人翼

國朝

周氏子以陶夫贊陶繼祖貴明封恭安人以

畢氏以陶夫贊陶贊化繼室

謝氏以孫夫王世功

周氏以子威崇進

阮氏以子陶希聖

蘇氏以子周維樾

賽氏以孫王士任

蘇氏以子王士任

王氏以子陶正士貴封孺人

郭氏以夫王士任



呂

氏

出以夫陶正士貴累贈夫孺人以

夏

氏

貴以子周士适

劉

氏

貴以夫周士适

辜

氏

貴以子李盛唐

呂

氏

累以子陶易貴

于

氏

孺以夫陶易貴封人

鄧

氏

貴以孫谷生琰

苗

氏

貴以子谷生琰

畢

氏

貴以夫谷生琰

廕子

明

陶

傅

府志廕無考見舊志授詹事府錄事按

任上

林院

監丞此云詹事疑石州係山

西邊缺被兵殉難故廕其子由詹事府錄事陞

然上  
不林  
可院  
考監  
矣丞

# 朝

王

綸

世世功子廕生

王

紀

世功子廕生歷福州府知府

王

績

世祿子廕生歷正定府知府

王

齡

綸子廕生任漢中府同知

谷曰孚

生瑛子難廕守備撫標學習

論曰威自順天以前貢舉概無可考成化而後

麟麟炳炳有翔步玉堂者矣有秉鉞封疆者矣

或舉帷典郡治仿并州或聞笛循城烈同睢邑

或懋武功名垂邊徼或崇文治澤留花封甚至

躬伏衡門而媵修堪爲砥柱芳騰令甲而封廕  
兼及後先十室之邑必有忠信聖人豈欺我哉

威海衛志卷之八

人物志

敍曰威海自勝朝而後忠孝節義下逮閭貞靡不流道素之聲昭彤管之譽雍正初年奉

旨建賢良節孝之祠守官者不克旁羅幽隱加意咨諏遂使邑乘州書廓然無記詎非茲方之不幸歟余本里人夙聞緒論其芳輝盛烈有不容沒者作人物志

鄉賢



明

黃承宗

字施予，孝孫。天性孝友，事親友承順多，方親喜。

寢食與之講學論業，以躬行爲先。崇正改元，由拔貢尹慶都，明史謂其有吏才。庶政具舉，戊寅

兵臨城下，率士卒守浹旬，不解甲。忽武生面引敵入城，身中流血，矢猶巷戰，死之。妻劉氏將

幼女扼死，旋自縊。男朝鎧遇害，僕黃祿奪佩刀，手刃四人，兵支解之。一時臣死，忠子死，孝婦死。

節僕死，義聞者莫不流涕。慶都勅建忠義坊，祀名宦祠，載郡志。忠勇傳爲本學鄉之首。

國朝

戚崇進

字仲升，性篤孝友，苦志讀書，由順治戊

雄近日邊，素稱繁劇。崇進處之裕，如與任邱界接，河水壞民田，無算兩縣交推，不崇進平分。

築堤鄉邑雙利泐石頌焉行取工部虞衡司主  
事監督兩窠提督夏鎮河道監督蕪湖鈔關兼

理工部抽分處脂不潤陞本部屯田司員外督  
理玉泉山河道適

至問河道源委及修濬年月應對如流陞刑部  
雲南司郎中雲南號日西司口語易騰崇進寬

嚴並用有淫僧姦幼女希漏網崇進獨不畫題  
立置之法其決獄不阿類如此陞淮安知府淮

連被水災又康親王提師南征路經淮安  
崇進積勞成病卒於任公舉鄉賢崇祀安

# 忠臣

# 明

畢高陞由指揮嘉靖二十二年任即墨營守備  
泗州營遊擊陞淮揚任營參將調福

建興化營參將二十六  
年征倭陣亡賜祭葬  
年征倭陣亡賜祭葬

黃承宗 賢見鄉

國朝

谷生琰 字錫九 生而有大志 學韜略 習騎射 中

備隨征緬甸 打仗十四次 于蠻化邨 攻賊寨 傷

王師 征金川 檄生琰進 勤凡攻得石卡 五道卡 礮一

賞戴孔雀翎 賜恭親巴圖魯 號旋於西山 梁受傷身

死事

軫恤 賜葬 及卹 銀入祀 昭忠祠 廕一子 守備

孝子

明

王彥明

廬墓三載過哀失明夢神以松苓洗之  
全愈著有孝經引詩經釋疑其後裔多

顯達巡撫士任即其  
後也舊志作彥名其

陳國相

家貧父年老無齒不能食豆粥又不多設咳  
嗽不能食鹹國相夫婦終父之身不多設咳

鹽豆當事題孝  
順二字旌其門

節義

明

黃朝錯

自幼讀書即以志節自勵隨父承宗慶  
都任被圍語父曰臣死忠子死父孝正在

今日城破從父死時年十  
九邑人哀之載通志



# 文學

## 明

## 王

### 悅

字恭軒由歲貢除縣丞九載不調掛冠歸里嘯歌自適所著有南遊錄威海賦

載藝文志

# 國朝

### 阮述芳

字岸夫順治戊子副貢江南揚州府防通判穎悟聰慧為邑風雅總持遊

吳越與黃仙裳魏環溪李首愚王草堂陳星槎黃交三曹實菴李爾錫諸騷人倡和晚年告歸

陶情詩詞孳孳為善著有南遊類刊生果同善錄治河條議感應篇纂註等類刊行世

附潛德凡以科貢顯者有旌德行著聞者附記于

此以志

王敬  
宏治間年荒濟  
旌授義官

壽八  
十餘

應里

畢卿  
嘉靖間年荒濟  
旌授義官

家產悉讓  
異母弟

難者常  
滿庭戶

師遍遊五岳  
專門四遊方從遊者甚衆  
年韻學

丁時舉  
孝友濟貧嘉靖  
間以儒官旌之

黃茂  
孝友著聞天順  
間有司重之以

郭珩  
嘉靖間年荒濟  
旌授義官

戚尙質  
庠生家貧失恃  
事繼母如事父

徐璞  
邑諸生強記博  
聞後學執經問

戚延允  
字望樵邑諸生  
精韻學負簞尋

國朝

王啟瑞

字麟章邑諸生懷慨好義年十三有某

昨舌曰此子不可犯也折券謝不過順治間軍當

始雪軍困以甦有士豪某武斷一方道路側目

方劇孟合

董祚遠字九如中年以廩還學使人服其高著

阮岸夫諸先輩序跋其藏書最富部分甲乙丙

周之標字子端邑諸生居鄉慷慨多節順治

解囊糾同諸生王啟瑞夏士英等赴憲辦理卒

立九容社砥礪俊英

之標皆為之倡首焉



王毓生厚諸與生字無懋功啓瑞子性篤孝友謙冲忠

睦鄰家訓有方皆  
可為士大夫矜式

郭昌嗣吃字永侯諸生其教子弟以林亨大先生

典約買田房一契持贈表兄代同堂完國課任  
束修處鄉黨貸不取息貧不責償至今人稱善

善友與胞弟廩膳生昌昆四世同居終無間言昆  
以舉火者不可勝數康熙甲申歲饑族黨戚里待

歷年積固俵散無餘

王汝翼字奈古廩膳生天性孝友名高藝林與

論惜之

戚威擢字衛伯諸學生著文學雋逸學使宮夢仁



列女

已載者不錄

明

陳門趙氏

夫名旌失考

苗門某氏

姓旌失考建

孫氏

生疑心先一日

病篤氏度不能起恐夫

坊旌表以上三

畢

氏指揮王運隆嫡

氏子如己子至老不懈享年八

吳氏

登州衛教諭吳應第女邑庠生王宏基

孫氏欲生之慨然曰吾何面再見吾夫乎蹲水

蓬萊縣志舊志作沃氏誤

下按院謝三賓題表事載

國朝

劉氏 慶都知縣黃承宗妻崇正戊寅城陷氏

尸扼死從容自縊遺囑以女坊

張氏 縣丞夏宗禹之母

谷氏 庠生鄒肇孟妻崇正癸未氏負七歲子

都氏 庠生董攝元繼室夫沒

張氏 許字阮希朝年十六尙未過門朝死求

呈表夫婦合葬墓在坊側合學公舉

劉氏 成山劉芳清女許字威海陶篤生擇吉

知死防縣稍懈整容自縊文登  
邵公旌曰貞烈性成

盧氏許字畢階旌死自縊

呂氏監生篤戚一士瑄妻夫死

戚氏童生周士鳳妻縊

鄒氏畢蕃嗣妻夫亡有欲奪其志者  
百日投緦墓碑在衛北二里

袁氏周繼先妻夫在京病故數日不食自縊  
以殉時居成山母家其邑侯杜詩韻親

為為視葬且  
聯輓焉  
張氏郭維師妻二節

五子昌祚二年入庠教  
王氏通判阮述芳繼子

孤孫  
張氏聞琦卒于任所妻

自從容

鄒

氏廩生李逾杜妻

守節五十二年

王

氏諸生戚爾崑妻

教遺腹子國用入室而卒九十

氏

二十生四歲孀居

呂

氏苗某之妻名失考青年夫

王

氏董義妻青年孀

呂

氏丁盼妻青年撫

曲

氏廩生阮嗣蕃繼室二十二歲守節

姚

氏崔月齊妻于歸一月夫赴京未幾病歸

年

畢

氏諸生董繼祖妻

撫姪為嗣

于

氏諸生呂日中妻



撫姪

為嗣

董氏

早諸生呂金妻三歲

孤書

與媳李氏入庠未幾書天無子

李

氏守庠生節傳應徵妻青年

于

氏子廩生殤撫姪為夫逝

周

氏守童節呂姪為青年

鄒

氏子戚女縊于尸旁

呂

氏至庠生陶申士妻青年守節撫姪易為嗣

周

氏里增生陶偉士妻甲辰偉士抱病為嗣旋

畢

氏即鄒涕泣欲死樵蘇紡績艱苦萬狀卒撫者

一歲孤 成立 孤 谷 氏 李 遠 出 訛 傳 妻 已 可 成 死

姑 逼 改 嫁 氏 無 所 控 訴 倉 皇 自 縊 邑 人 勒 碑 旌 節 在 衛 西 五 里

董 氏 年 無 子 守 節 妻 青 傅 氏 五 歲 縊 死 氏 三 十

十 歲 守 節 孤 陶 氏 周 宏 音 妻 夫 亡 節 撫 孤

家 有 異 志 遂 自 縊 署 文 登 縣 事 甯 海 知 州 周 溥 旌 其 墓 曰 冰 霜 完 節

戚 氏 李 昂 妻 乾 隆 三 十 九 年 昂 任 壽 張 訓 導 奸 民 王 倫 謀 逆 與 昂 同 縊 昂 救 甦 氏 遂

死 大 學 士 舒 赫 德 奏 請 旌 表

論曰韓昌黎送楊巨源序謂鄉先生歿而可祭

于社者其在斯人與是非德行純粹聲施卓然

無以爲芹藻馨也至若女有士行風俗攸關勝朝只載數人幽光沉沒良可慨已近奉

世宗諭旨年三十歲以前守寡至五十以後完節及守節十五載以上年逾四十而身故者俱准具題旌表仁矣哉聖人之心也其貧賤者雖上達無由亦錄之以備輶軒之採焉

威海衛志卷之九

藝文志

敍曰文以載道自孔孟而後惟濂洛關閩爲正宗餘則得失互譏醇疵各半然而家存其集代著其人斐然成章夫亦風雅之遺也威海雖僻壤而前賢之謨猷騷客之題詠有不讓於通都大邑者倘令其消沒殆盡非居是土者之責乎作藝文志

記



新設威海衛捕倭屯田軍記

永樂二年

文登教諭 胡士文

古之治國家者文以經之武以緯之武以勘亂  
文以襄治二者必相資爲用然後國可得而治  
民可得而安也蓋兵雖息之於暴亂賓服之日  
不可偃之於城池備禦之時今自天下混一以  
來萬國咸賓四方畢賀偃武修文當其時矣但  
居安慮危必養兵於無事講武於治平山東海  
右之民間被倭寇竊發之擾洪武戊寅春正月

特命魏國公徐都督朱垞集本處之民置立沿海衛所以安斯民於仁壽之域迨至永樂元年仲春都督朱復奉新君之命練兵至威海思昔皇上所以軫念黎元之意欲刊諸石以垂神功聖德於不朽請予爲之記予曰自登萊之屬邑文登抵日照沿海地方不啻數百萬向者悉被倭寇驚擾今當險要之處自威海而抵安東凡設直隸衛者七自寧津而至雄崖凡設直隸所者四不過垞四萬之民分設各衛所號捕倭屯

田軍議耕議守議戰海寇聞風遠遁不敢側目  
以安數百萬民無倉卒之驚無須臾之擾其用  
心設法可謂密矣斯民也百穀旣成則荷戈於  
較藝之場三農將興則負耒於隴畝之地名雖  
曰兵而實非兵可見我朝文經武緯之治似不  
專尚乎兵而兼寓乎農矣

新建環翠樓記

宏治二年

大學士劉

珣

威海西城之岡有樓曰環翠以滄海山川之勝  
甲天下山光水色崢嶸於前而我朝來恃此爲



邊陲太宗皇帝永樂間益修守禦倭寇不敢伺  
覬有此備也歷世百餘年城池倒塌兵政廢弛  
因循弗理適欽差巡察海道副使趙公鶴齡至  
四顧嘆曰城池倒塌如是不重治之後必有大  
患乃懲飭之以憲度振肅之以綱紀起附近州  
縣人夫數千名支給泰山香錢數百兩多方設  
法將威海等衛雄崖等所三十二處赤山等巡  
司二十處鳳皇山等墩龍虎山等堡四百餘處  
甲冑干戈之屬政令乖戾之類一旦煥然一新



東海之人傾心向化倭寇之輩聞風遠遁軍民  
安堵皆公餘澤所及文登營把總指揮王愷等  
感公之德捐俸建樓以示永久因稟命差遣總  
督備倭都閩姚公昇公曰事貴適宜奚爲不可  
於是不遠千里謁文於余欲刻石用圖不朽吁  
近海之郡凡幾濱海之郡凡幾自唐宋以來民  
之至而土著者日益繁元末苦於攻戰過者蕭  
條興慨今聖天子深仁厚德被乎東裔若易而  
不難也大抵繫乎人而已且時之不可爲者春

秋書新延廢是也制之不當爲者春秋書新建南門是也今修造旣得其時又出政之所闕是豈可沒而不書耶遂書其概如此使後來有所考云

重請威海衛印記

正德十六年

谷景陽

邑貢生

威海衛古禹貢青州之域唐虞時爲嶠夷之區而衛治極山東之東三面環海一城負山形勝險要甲於天下蓋海防一重地也且衛之設肇於太祖龍飛之後救兆民於湯火深慮倭醜肆

毒元元受害迺于洪武戊寅歲命征討大將軍  
魏國公徐集數萬衆而築斯城焉防禦策應  
均於是乎永賴矣原設指揮使司印一經歷司  
印一千戶所印三百戶所印三十儒學印一是  
印雖多悉爲衛所統綴周詳精密罔有遺漏百  
餘年來衛印用繁稜磨篆平文理莫辨其間奸  
巧之徒乘機作弊眞僞難分因循日久鮮不受  
其顛倒而中其侮玩者本衛掌印李公殷鑒前  
轍奮然興起謀諸僚佐曰衛印模糊僞詐者蠹



起積弊何可久乎願捐俸求更置焉於是遣千  
戶胡璽奏請於朝適聖天子嗣祚之元年也特  
命禮部循例換給百年之疾一療而瘳叢奸之  
藪一旦以除欺公無忌者迹屏而形逋非李公  
之精明強固公爾忘私亦安能捐貲往請舍其  
舊而新是圖哉是有以允合祖宗立法之初心  
不負今上付與之新命始不廢一衛軍機文移  
之重務也何其岸然自異振拔流俗勝任而愉  
快乎公諱蘭字德馨鳳陽靈璧人祖任金吾上



將軍父改選衛指揮使司事泊公二世矣時新  
印初下僚佐衆徵予文以記之余受徵而記之  
曰李公眞印之主也蒙受五推幾三十年從政  
之善深如醫之用藥孟子曰若藥不瞑眩厥疾  
不瘳孟子豈欺我哉今李公除弊之易不煩於  
財而勇於任非胸有成竹者不能也余因誦公  
之政表公之德並僚佐有事斯舉者附之石陰

重建威海衛儒學記

嘉靖六年

副使趙文耀

萊陽人

威海衛在文登縣境山厲土斥實瀕海堦隱然  
爲東陲一阨塞洪武中爰立爲衛屯兵戍守彈  
壓倭寇永樂初制邊海咸建學選徒立師得視  
內郡而威海衛學昉於此矣學占衛城良隅邇  
來百餘年陂陲陵圯日就毀頽禮殿僅存風日  
穿漏丹青不主堂廡齋垣欹傾壓覆揭虔亡稱  
孫業亡肆師儒猥籍委頓失次公私窶貧武帥  
塊守亡敢離局擅興作荒裔素顓樸世厭見武  
事獷豔倥蒙尙藉文化稍左右輔翼之猶蔑足

勝結習况重之以湮沒化本俾觀法晦昧哉救  
弊莫急有識興嗟乃嘉靖二年交河馮公以侍  
御擢山東按察副使奉勅巡察海道總登萊之  
軍民有司始至卽以沿海衛所承平日久兵戈  
不試將卒驕惰軍政漸蠹於是申號令大震耀  
合文武吏罔不祇肅以其歲巡行所轄越若來  
次威海乃謁

先師厲生徒具得廟學廢狀大懼儒術寢微則亂是  
用長卽儲思計費務期振憲極越明年乃下所



措白金百兩選於衆得是衛武舉指揮李仁委  
之董役仁受命勤恁搏力規恢舊址大徹其壞  
而又爲之縣水築以正位按圖記以攻位有工  
之人獻功效力匪急匪徐又明年訖工凡殿廡  
堂齋廨舍門庫垣堦之屬咸嚴正如法要在標  
示軌儀垂大觀毋取奢麗旣事仁乃詣愚屬愚  
記之愚幸受知於馮公最深公善政多矣茲又  
其大者愚何敢以不佞辭竊以古之學匪惟祭  
祀鄉射養老考藝云爾而凡出兵受成論獄獻



馘之事亦咸卽焉以故其人業亡異身動由禮  
教風俗長厚今國家設學罔間兵民誠得古意  
而遐陬武衛苟文具仍敝陋者豈少哉公獨興  
廢起頓矯激頽靡震聲日景覺大寐耀沉冥垂  
裕深長後世賴之偉乎休哉允可歌已其辭曰  
東海西堧不夜之墟橫衝設衛武族爰居維  
武之區維文濟之興學教誨百年於茲爾來  
守陋罔或申陳禮殿講堂積漸崩淪憲憲馮  
公來涖東服虎視鷹揚風紀振肅爰以行部

至於威海嗟此廢宮我其修改經費使能是  
廓是極新廟誕成有嚴有翼暨暨介士瞻仰  
咨嗟曾是而不知義舉舉學子升堂鼓  
篋孰或佻達而在城闕絃誦蜚聲震驚海外  
文教旁敷邊烽眇昧克順長道式昭恆文惟  
德無陋惟公之仁惟公之仁殿我海邦匪今  
賴之百世之慶斐然作詩不侈不假頌茲成  
美以詔來者

重修眞武廟記

嘉靖二十九年

舉人

張

詡

登州衛人

嘗聞威海環翠樓之勝枕西山蕨芽面滄海縹  
渺東接劉公島隱隱然北拱古陌峯巍巍然南  
望滾牛山幽幽然詩人墨客獲憩於茲者靡不  
題詠感發而興起焉然有所登臨必由真武祠  
始蓋樓踞其巔祠壓其麓也建自宣德四年而  
祈禳感應儼然爲一方之巨宗迄今棟宇像貌  
浸爲風雨剝蝕威海致仕指揮使古陌王公勳  
謀諸指揮使德容王公都捐俸資以爲軍民先  
一時僚寅庶士有力者咸附焉工起於嘉靖二



十八年八月一日工落于二十九年六月十日  
迺移書於其壻登州備倭都指揮僉事大谷石  
公守忠屬詡記之詡曰昔狄梁公之巡江南除  
淫祠七百所禮有其廢之莫敢舉也夫以正學  
之不明而淫祠遍天下苟因其廢而除之不失  
爲秉禮者之所尙而諸公必欲其舉無乃因人  
心之所宗而示所鑒臨者與祭統之言曰能禦  
大災捍大患則祀之聞神於我成祖靖難之時  
英宗朔漠之狩皆以夢寐恍忽極爲幹助則神



有扶國之功而祀之百世不爲過也天文所載  
四方之宿曰元武曰朱雀曰青龍曰白虎用武  
者每列之爲旗幟之章初祇謂之元武祠及宋  
眞宗崇道教避聖諱改元爲眞而眞武之名昉  
焉神之從來則無從深論然自人心之有神而  
後鬼神之能神人能以其心記而後能以其儀  
記故聖人之道不顯亦臨賢人之功矧可射思  
庸衆之慮禍福將至人而無鬼神之在上則肆  
然將無忌憚故創廟修祠於道無裨而令人勉

於求善惕於免禍則得矣苟念神之真而行不敢不真則惟德惟義真誠自勵焉念神之武而心不敢忘武則防變憂危而神武不殺焉則是祠之修匪惟神得所棲而安而國安而社稷安將有永賴之者若曰神乃青池之長清涼山四十年之煉執元印星劍之勇服天關地軸之妖其說詭異君子所不言王公亦非惑於斯者故廣真武祠於舊址以習儀爲詞又新元壇像於神左以自禱爲詞則知王公之志有在也詔是

爲記云

新建學田記

萬曆十三年

吳宗魯

邑貢生

恭惟朝家知治本人才才本作養故於郡邑各  
建學以端治化之原而師生有舍矣庖廩有具  
矣未已也又有學田之贍焉其所以作養人才  
用鴻治理者何惓惓也而我衛僻處海隅地瘠  
土窘膳廩之外師生往往不能自給近者巡撫  
李公移檄清查官地建置學田以新法紀以裨  
風化甚盛心也本學公慨然鳩合諸生呈准



官地數處建立學田當蒙本府王公批委寧海  
州王公嚴查報奪坐委巡檢時魁於四月二十  
六日公同致仕鄉官王吉暨闔學生周尙冕等  
逐畝清丈取具原耕地主李景伯等退狀申覆  
蒙批據申該衛官地廢棄多年速再清丈長闊  
四至畝數明確送學招佃歲收花糧以資貧生  
仍逐段立石爲記以垂永久敢有豪橫無行擅  
行侵耕定行拿究追以前年分花糧該州務處  
停妥再一申報魁等於五月二十八日覆踏得



地共十二段積地共七十畝四分一厘三毫立石記蹟而徵余序夫養賢及民大易之所以著頤也有事學校而錫之田其養誠可觀矣而二三子將何以自養也必也禮以耕之義以耨之廉恥志行以栽培之灌溉之而穫之以時焉爲宗廟之粢盛爲生民之粒食庶無負今上作養之意與諸司祇若之心哉不然而徒口實之是資焉是田而蕪穢者也與棄田等作養云乎哉有國之憂二三子之恥也其慎無負斯舉也則

此田與此石將俱垂不朽矣時有陶唐臣捐地  
助學義士也例得並書故亦及之

遵憲定額條鞭碑記

萬歷四十七年

審理正

畢再傳

邑貢生

衛所之編審也與有司同而編審之僉名也又  
與有司異非初制之不善也總之法久弊生本  
公典也而藉之以行私他無論已論其最負累  
者曰牢役曰巡捕曰軍伴曰屯催四項一定老  
死不休父方謝役子卽代替一門受殘踏捶楚

之苦累世爲鞍前馬後之人科派多端侵漁無厭往往千金之產役未竟而絕立錐焉以故城中若掃地著之宅半爲荒田生氣奄奄盡矣間有不幽影者僅百餘家而此百餘家僅屬官舍之子弟耳傷哉餘丁誰非血氣而乃斃於征求冤莫控也適萬歷己酉董衛主諱遇時吳所主諱夢麒者皆勇挾積蠹乃以條鞭詳之兩院道府俱嘉其便宜而著爲額嗣篆董公者李公也諱世勳遵諸上臺明文一一祖董吳二公而善



調之各項雜差俱免編名止分三則納銀其牢  
伴等役各給工食招募其軍伴供丁本族有丁  
者照例優免無丁者不得揀占異姓以起需索  
之端於是數年來死灰復燃枯木復甦納銀者  
止完國課乘手足之餘閒皆得經營於活計應  
募充役者願出本心資口糧以潤身家愈思效  
力於公門官長不乏使令之役丁餘無復奔命  
之擾所謂上不病官下不病民行之萬世而無  
弊者此也戊午復值均徭又恐貪墨爲之變通



遂據三所伍劉世勳等闔學生員呂望周等呈揭申府蒙批單開各款俱係冒濫宜速爲開豁勿令偏占貽累窮窶仰甯海州查報蒙此該州鄧詳申查得威海之行條鞭也已十年矣各衛倣而行之者亦非一日倘非宜於人情誰肯比例而樂從也往者衛所力差貧餘不堪供億之繁條鞭行則軍餘止納額徵之銀而無苛歛之擾此條鞭之所以爲便也等因申府蒙批條鞭之行法最善招募之故事可循仰州卽從民便

行間又據闔衛軍舍戚世傑李生春陳汝禮等  
呈撫臺蒙批條鞭事例鑄石永垂庶生事者免  
起妄端此法一定如有起而紛更者將指何項  
爲不便乎其心之貪婪可知已有一於此卽係  
變亂成法之人所共憤者也不拘諸色人等許  
訴之當道以正法紀今日有是舉也難必無忌  
余之人然而余也存心秉意可質之天地鬼神  
知我罪我直聽之當時後世等因批准在案夫  
條鞭一行也民善之印君善之諸上臺又善之

則知僉民之禍最慘毒矣公一旦盡去其所不  
便貽之以所甚便眞所謂活涸轍乎後之嗣公  
任事者有公之芳蹤在也可令專美於前乎哉  
不然其務行僉名也不過欲張其威福耳借人  
之膚髓以張己之威福清夜思之必有疚心而  
自痛者况碩鼠之邦一空誰其供吾頤指乎不  
惟負公之盛意而當道之申飭不且弁髦置之  
耶孟春李公奉命鑄石徵余爲記余不辭不文  
走筆而書其槩以爲將來者勸



按院馮公批准軍民照舊各差碑記

順治九年

金華府 戚若鯤 邑人

衛所之設原爲疆域屏藩舊制建設州縣境內  
城隍而外寸土皆民衛人多買耕焉卽如衛屯  
星置於各州縣民人多佃耕之民佃軍屯未佃  
軍差故耕屯地者民也而徵屯糧則係衛催惟  
衛催故曰軍差軍買民地未買民差故耕民地  
者軍也而徵民糧則係民催惟民催故曰民差  
况舊例軍耕民地正糧之外每畝加銀四釐名



曰寄莊以爲不當民差而設軍之不可爲民猶  
民之不可爲軍也本衛世耕文邑辛汪都三里  
田地本里之民世催本里之糧從無變更自順  
治二年間里蠹姜學禮借端需索僉報衛人替  
當民差變亂成規闔衛鳴冤申詳各上臺蒙海  
防道楊批縣衛差徭各有舊例因何混亂其寄  
莊銀兩是否正項支銷仰府並查明報又蒙防  
院楊批仰登州道查明議報又蒙撫院丁批旣  
當軍差自不當以民差疊累也仰登州道嚴飭

報三批詳府轉批寧海州審結當將民蠹姜學  
禮杖懲擬贖軍民照舊各差申詳上臺蒙撫院  
丁批姜學禮僉報多家意在嚇詐應盡法究擬  
姑念窮民仰該管重責二十五板枷示以警將  
來仍詳防院繳蒙防院楊批照依撫院發落行  
繳雖各上臺憲批煌煌無奈奸蠹朦弊藐玩不  
遵數年來僉報日甚逃亡日多家家邊衛十室  
九空幸逢防院大宗師馮公巡邊春溫秋肅剔  
弊釐奸闔學諸生剝床及膚冒險上陳蒙鈞批

寄莊於徭糧之外另有加征地畝銀兩正爲軍  
置民產不便當差而設也至於挨甲順里之差  
軍衛有司原自各別豈得軍當民差仰文登縣  
照舊例行繳卽取該縣遵依又蒙批詳衛人從  
無代應民差之例其一切錢糧原係民地自應  
民催永爲定例行繳又恐奸胥仍前抗玩公呈  
請詳懇憲勒碑永爲定規復蒙鈞批軍衛有司  
原自各別衛人無當民差之例已據文登縣申  
詳批豁以後錢糧照舊民催永爲定例矣此繳



現今文登縣着令民間里總照舊應差本衛歷  
年沉痾一旦豁然庶安於菑畚士安於鉛槧澤  
鴻相慶謳思無窮敬伐石勒銘頌南山之臺未  
已也又頌北山之楊焉顧斯碑而悚然知懼者  
猾胥之爰書也顧斯碑而歡然無虞者貧餘之  
保障也顧斯碑而惠藹山城蔭垂弈世者馮宗

師之甘棠也

馮公諱  
右京

重修城隍廟碑記

康熙  
五年

侍讀  
學士王世功 邑人



城隍廟繼衛城而建者也成城之始百度維新以城隍爲金湯主選勝於環翠山之麓居衛治十字街之西鄙順陰氣也但威海物力採辦艱難率多因陋就簡雖廟貌像教一時俱備而湫隘閉塞未能爲大方生色余髫年卒業其右每過此輒興嘆曰是安得一好善樂施之輩興義舉起大觀俾神所憑依在人而無憾矣乎洎從先君子宦遊慶都躬逢鼎運故鄉風土久已不來意思想順治辛卯廟名成均壬辰備位承明

風木興思錦衣祿養弗及也陳情廬墓猶及之  
今年春奉命東省焚黃封於郊訪親族於邑  
再經城隍廟前而觀裏桃花盡是劉郎去後矣  
正殿巍巍乎寢殿琅琅乎山門儀門堂堂乎居  
然一大廨宇不知其何修而得此也咨之父老  
僉以顛末來告曰衛有廟社鳩集錙銖一供香  
火一備補苴順治丙申大廈危若纍卵領袖畢  
懋素等九人各發願力堅意重修除本社存貲  
外兼募緣以佐之至戊戌而大殿成又以星向

不合門局不對丁際奇等跣募都門至壬寅而  
山門成又舊設儀門久圯黃扉傅等再積本社  
餘貲重修儀門一間角門二間又寢殿三間偏  
窄敝陋無可展拓黃扉傅割助己園一角丁際  
奇買助鄰園一角開除而光大之至癸卯而寢  
殿成共遇以垣各肖以貌輪奐之輝金碧之麗  
過此以往雖千百年勿壞也余曰何無記也僉  
曰限于力而未之逮也自丙申至癸卯凡八年  
得寸則修寸得尺則修尺社之事歲會而月計



募之事重舉而再行萬有辛苦一無積湊故與其強之勿甯缺也與其速之勿甯遲也癸卯迄今又少有所蓄堪伐一石矣言已復長跪請余文爲記余曰嗚呼噫嘻余去衛四十年矣修之事不及謀修之貲不及付實之不存焉用文之祇念革故鼎新者協乎時同心合力者諧乎事時與事會而大功舉豈惟神之聽之人之安之並余四十年之心願一旦不勞而衆著焉其爲歌舞可勝道哉余故嘉與二三君子而更有望



于後之人焉是爲記

銘

賜進士出身授武翼大夫貴州都勻協右營遊擊殉

難 賜祭葬谷君墓誌銘

淮安府知府陶

易 邑人

乾隆三十有八年

王師征金川二月二十六日進攻納占遊擊將軍谷

君沒於陳事聞

朝廷褒卹

賜祭葬卹銀四百兩蔭一子守備逾月君之子曰孚

來泣請曰公與我先君同鄉而交久事熟聞敢以銘詞爲請嗚呼余忍銘君哉君與余爲威海衛人後歸縣同爲文登縣人里居近向未款接也繼在京師君將赴任川北始一過往長身鶴立音響鏗發論及國家事則感慨奮發毅然自忘其軀余心躉之知我里固有偉丈夫如君者也比余爲平定州牧君以都司入覲又一相見言及緬匪事袒而示我傷痕所在嘆曰鎗洞我脅不死墮崖不死意者其別有死所耶余益

驚異之君姓谷生琰其諱錫九字也祖父以上皆力農君生而有志學韜略習騎射乾隆二十二年武進士銓四川川北守備丁亥隨征緬甸進攻蒲乍變佈濟諸處戊子進兵蠻化村連攻賊寨傷頂落崖幾危矣以創回營調養川省督提旋題補松潘都司引見蒙賞卹傷銀二十兩回籍省墓繼赴蜀檄進勦小金川得賊西山下緊要石卡數斃賊人得約咱賊寨又攻西折龍山甲木山梁卡爾金邦科諸處又自東山



梁下溝攻得溝內水礮石卡溝口阿仰山梁格  
藏達烏巴凹各宗一帶以功題補都勻協遊擊  
又攻翁古爾隆大木城石礮石卡殺賊多人又  
得扎爾碼獨攻孫克宗諸處奉

旨賞戴孔雀翎賜恭親巴圖魯號銀一百兩又攻克  
美諾功列超等是年率兵佔距大金川納占山  
梁獲大小石卡旋於西山梁受傷身死計在滇  
省打仗者十四次在川省攻得石卡五道卡礮  
一百五十木城三石卡數道橋梁一座殺賊無



算歿年四十九歲祖允宜父子宏皆以君貴贈  
昭武大夫祖母鄧氏母苗氏皆恭人娶畢淑人  
二子長曰孚蔭守備次日賢業儒女一人孫男  
二人於某年月日葬于軍馬嶺之原君負大志  
而卒崎嶇以殉未得展效于世爲可惜也然人  
旣矢以死報國矣夫豈有所待而審顧于後日  
耶有所待則非君之志矣爲之銘曰  
登之水兮粼粼之罌山兮蒸雲魄歸來兮日曛  
松柏列兮秋春中有堂兮有門昌厥後兮答國

恩弈世累欵兮是爲忠毅之境

跋引呈序

照年分  
統列

書王恭軒稿後

萬歷  
四年

兵部  
尙書郭宗臬

福山

余讀威海王恭軒先生威海賦與南遊錄二稿  
詩無蹈襲摹倣而古名家之作往往隳括於其  
間賦之格調頗出入于兩都兩京諸篇而未嘗  
一用其語又字必楷書務合法度有卽此是學  
之意可以想見其人大抵宏治以前學者專心  
祖述考亭靡不以多聞強記爲功先生其尤篤

信以自成其行藝者歟吾鄉先進諸公遺行翰墨猶有存者觀先生諸作可相仲伯以先生之學之才當升名於朝翊贊休明乃僅得計偕官止縣貳九載不調然則人之通塞顯晦焉可不謂之命哉

廣翁社題辭

順治十四年

威海教授張聯箕益都進士

余自束髮佩先大人庭訓有四如社之約一時宗黨戚里如今日名公卿趙氏進美孫氏廷銓偕家昆季相與從事鉛槧者數年迨丁丑先嚴



見背社事隨輟愚兄弟雖廬居子處而墳簞一堂自爲切磋命名曰翁社蓋取兄弟旣翁之義嗣是聲氣所及同人願過從者聽焉丙戌戊子以迄辛卯亦多先後捷去以故翁社益廣由伯仲而朋儕而比隣而千里外之學者惠而好我攜手同歸四海之內何莫非兄弟也今不佞初釋褐改除廣文于海上憶昔疎燈寒雨與諸兄弟賞奇析疑聯床夜話時風味依稀如昨而衛士子又多下帷攻苦簡練以爲揣摩者苟有素



心樂與晨夕豈非古人以文會友之義因復推  
廣立社本旨爲諸君同志者共勗之

請旌張烈女公呈

順治十六年

畢懋第

邑貢生

爲公舉烈女懇詳旌表以闡幽貞以勵風化事  
竊照節烈爲古今所同而出自室女則更異旌  
揚乃國家之鉅典而伏處寒微者易湮今據文  
登縣辛汪五里庄頭某報稱居民張一憲室女  
張氏殉夫死節狀已經該縣批准詳查在案第  
某等地隣接壤目擊最眞事關公論誼有不容

昧者伏念張氏自九歲許聘威海衛籍阮希朝  
爲妻今年十有六歲聞夫染疫於二月十三日  
物故卽晝夜啼哭不止稟告伊母董氏欲同弔  
夫喪母弗許遂哀毀不食誓志必死母百計勸  
諭與隣媪伴守之氏不欲重違母意飲食稍進  
然憂戚鬱結形槁神瘁鄰里疑其必無生志矣  
每遇伊夫七七之辰人或忘却氏獨默記其期  
必暗涕泣寢食俱廢或夢嚙中哭醒嗚咽不能  
自禁以故父母亦不敢遽議姻事然持束牘通

媒妁者日三四至初猶囁嚅未吐後稍稍及之  
氏憤恚殊甚其母賦性樸直祇知以改嫁爲愛  
女冀女聽從而不知益以堅其必死之心然氏  
實陽爲若不死者故母已疎其防也突於四月  
十三日值父出傭耕母出舂米乃扃戶自盡距  
伊夫七七之週祇十有二日嗚呼士君子談說  
道理有勉于殺身成仁而死者有一時憤激迫  
於奮不顧身而死者張氏非有講貫迫怵之情  
又非有狎昵恩愛結褵之素乃獨從容迴翔矢



死靡他何其天性真烈一至此耶海濱僻壤愚夫愚婦不知節義爲何事但地方有此烈女出自蓬門孰非

朝廷德化與諸有司政教所感化也屬在士林若不公爲激揚不幾令孤寒者湮沒無聞乎懇祈明府垂鑒轉詳道府俾得照例旌獎其於世道人

心裨益非淺

糾友作會引

康熙四年

張完臣

平原進士

登州爲山東一隅而威海又文登之一隅也未



至者疑爲弇鄙顧其地負山環海泉甘而流清  
山川鬱礪之氣類必有魁壘之士挺然炳煥而  
自前代以來科目絕少余竊惑之乙巳夏補授  
學署覽其人文秀美旣不符於向之所疑而魁  
壘挺拔之士復不乏人則又自信其言之有徵  
也顧去會城遠人習便安艱於跋涉應試者可  
屈指此科目之所以不概見也得毋文學之士  
有怠心乎夫干將莫邪不鍛則不成器雲和抱  
月不撫則不成聲人自阻於一隅而謂塊然山

川能掖之使奮哉則勞來引翼之事安可無也  
余以一日之長爲諸君出條約日有課月有會  
忽助勿忘務及其鋒而用之莊子云風之積也  
不厚則其負大翼也無力旣培風矣則負青天  
而莫之夭闕是非大鵬之謂蓋士君子之謂也  
諸君其勉旃

阮岸夫南遊籟序

康熙十二年

黃雲  
秦州

先生詩詞以籟名奚取乎聞之莊生有天籟地  
籟人籟之說亦曰聲音之道原本自然鳥鳴春

蟲鳴秋皆出乎不得已而元音寓焉先生學道人雅不以摘藻自喜每逢興至間一奮筆則一真孤引不事彫琢性情頗類陶靖節南遊籟是其近作憂讒畏譏近於小雅之怨誹而不怒異日草堂著書定有如君家步兵詠懷諸什引入入勝者又將何以教我

南遊籟序

黃泰來揚州

今作詞家非失之樸陋卽失之輕佻求其音節入古命意高渾而獨以己之精思與爲涵泳者



憂憂乎難之癸卯夏岸夫先生將歸山左出此  
卷屬僕點定自愧淺疎何敢妄測及午夜篝燈  
諷讀一再過其佳處卽起古作者而較之當不  
多讓山左名流崛起當今如荔裳觀察西樵司  
勳阮亭民部諸君子俱以詩餘鼓吹山左而先  
生亦且按紅牙歌曉月俯視羣英何山左人才  
之盛哉攜此歸訪阮亭當爲賦含凄詠江練之  
句矣

李公德政乞言引

康熙十八年



桃源縣人呂祚芑

蓋聞民風轉於吏治得其人而後行錦製綴以  
瑤篇徵諸衆而益信是以盧刺史之利濟御筆  
贊其匪躬鄭大夫之恩威輿論歌爲衆母大抵  
有開必先之治必有實至名歸之章我威海衛  
孤城如斗負郭無田僻牟郡之東隈界文山之  
北鄙地不闢而民不聚恰有簿書朝議解而夕  
議徵並煩鞅掌爲防爲守每借箸以籌邊是賦  
是徭類沿門而持鉢膺斯任者厥惟艱哉欣逢

有翁李公武科甲第盛世千城小試行道之端  
大展過都之足衆同甘苦儼然嘗膽臥薪獨勵  
精明不媿繭絲保障百廢俱興勿勞公旬三日  
纖塵不染常惜民間一錢首製龍亭儼

天威於咫尺勤頒鄉約助德教之旬宣澤宮茂草有  
年方掃除於矍圃馬帳春風無地爰肯搆乎鱣  
堂戶口招徠起哀鴻而登衽席城垣補葺未陰  
雨而計苞桑游手禁則日作方興盜跡除而夜  
戶不閉創義塾義師成人有造建社倉社粟饑

歲無憂醫藥設而生理多荒蕪拓而田園廣挽  
三百年反抱之水永護龍砂築六七級陽璇之  
峯丕興豹變池開菡萏潘安仁滿縣芳菲堤植  
柳楊蘇子瞻六橋風月當此俸裁薪扣之日益  
見補偏救弊之長可云文事武功咸資名世實  
心善政堪播絃歌者也某等觀成有素誦義無  
能掛一而漏萬貽譏撫大而失小爲取非藉鴻  
篇之彪炳曷宣蟻悃之賡揚伏望名公大人秉  
彝同好德音孔昭豔吐葩思繼召父杜母而作



頌繡加袞字倣編年紀事以成書片語皆珍莫  
問以南以雅千純是襲何殊式玉式金備採輶  
軒用光梨棗

李公同聲吟序

王世功

將帥之才彎弓躍馬練步武習攻擊可以爲天  
子千城矣惟衛守不然所治者簿書所較者錢  
穀武而文之將而吏之甲冑弓矢而樽俎社稷  
之間者蠻方蠢蠢天討赫怒徵調期會軍書  
旁午當是時吏治若救火揚沸非武健猛鷲鮮



克有濟言撫字者烏能恢恢游刃乎李公獨不  
然催科力役未嘗後也而弗忍先之未嘗弛也  
而弗忍苛之平情酌理民以太和數年來百廢  
具舉斥鹵磽確之墟馴登康衢雖鄭臨淮寇河  
內不足喻其美也余從事行間飫仁聞者詳且  
久未幾邑人徵箋至又未幾同聲吟至巷謠塗  
詠洋溢簡編益爲之動色以手加額也伏念公  
良將也而良吏矣豈與武健猛鷲者同日語哉  
此邦之人沐浴膏澤發爲謳吟宜也若夫接畏

壘之壤過中牟之野以及千里聞聲者咸愛慕  
而歌詠之者何哉豈非人心好善之同有發于  
中而不能自己者耶以公之才之德異日者克  
壯其猶騰九萬而上又將爲之賦彤弓歌湛露  
焉豈區區私詠已耶爰弁數語于首

同聲吟序

刑部戚崇進邑人

昔先王之制體國經野必先定其山陵川澤伯  
陽氏曰凡國必依山川山川之氣敦龐淳厚然  
後精英所發幹止甯而民生樂扎凶天荒不能

爲害公劉之詩曰相其陰陽觀其流泉良以陰陽向背苟不得其理則廬旅區宇有難以居之安者又何以立制度教文章成禮樂君宗之美哉雖然三代遠矣通都大邑昔聖昔賢所以經營而相度者求其遺跡宵不可見雖一二良有司亦不能行度外之政爲斯人計久長若吾衛父母李公則有異焉衛境僻民淳而川原氣散下流之水一逞直去無迴環之形巽峯卑俯無煥發之勢以故人物凋耗學校人希前之守者



莫之理也公蒞政之日檢身釐弊善典畢舉趨  
事赴功以爲不培其基雖多方補救終非澄源  
之論遂合衆興工爰疏爰築濬城濠以蓄淳汗  
之水遏其下流使注北渠紆餘曼延回曲相抱  
堤旣成植之芳木覆以美草不特形勢完善兼  
有遊觀之美人名之曰李公堤從其姓也當役  
未舉時人以財不足爲慮及公一倡率之而車  
牛擔負民爭自獻功信乎誠之所格捷若桴鼓  
焉又以學宮榛蕪非育才地也爲理堂舍延師



儒以訓之又以草萊未墾非養民道也爲給牛  
種作社倉以儲之其他立義塚以瘞枯骨捐藥  
餌以軫疾咎學有署射有圃利無不興害無不  
除無何秋闈鄉試諸生告售者一人蓋三百來  
所未有也嗟乎天下事患於不爲爲之無不成  
彼叔孫之芍陂西門之渠夫非其爲之者善與

不佞衛氓也感德政之成樂與父老子弟享樂

利于無窮故集同聲三卷以附於詩歌豈弟君

子民之攸暨之例

同聲吟共三卷全載則苦累  
牘擇取又嫌掛漏故一概不

錄

月課引康熙五十四年

威海教授王

瀛臨進士

蓋聞同心斷金易比如蘭之臭伐木求友詩賡  
 鳴鳥之聲故攻錯必藉乎他山而講習尤資于  
 麗澤絳帳請業生徒集季長之門青草留芳書  
 帶生康成之宅廣文官冷鄭虔之軼事堪論教  
 授身先安定之良規可溯喜風流之未墜仰止  
 維殷幸大雅之匪遙振興有志威衛地環渤海  
 壤接扶桑洪波浴日百川匯集以朝宗駭浪浮

天河伯望洋而却步珠宮貝闕光連不夜之城  
蜃市雲莊幻出蓬山之島駕長虹于碧落鰲背  
千尋湧金柱於紅盆龍文五色此固逍遙遊之  
所不能述齊諧記之所未盡傳者也則有閎閎  
名家代傳禮樂縉紳舊族世襲簪裾冠蓋蟬聯  
竇桂偕王槐並茂科名鵲起荀龍共崔鳳齊輝  
自昔多賢於今爲盛所慮栽培無地衡鑑不精  
豈不有負文壇虛生福地瀛雖窺半豹未識全  
牛仕專爲貧遂竊寒氈之座學僅干祿旋登司



鐸之堂雅好雕蟲職當造士欣逢黍谷回春之  
候恰值蘭亭修禊之辰垂楊柳之絲鶯遷綠樹  
泛桃花之水魚躍清波風高而北溟鵬飛霧曉  
而南山豹變爰集佳妙約定文盟非云鬪勝而  
矜能庶幾因文以見道爾諸生或老成碩宿或  
卓犖英賢千里神交一時高會各灑江山之麗  
藻抒寫予懷爭看錦綉之才華張皇尺素庶幾  
雲蒸霞蔚月異日新不徒藝苑之微蹤兼作熙  
朝之盛事用是忘其謏陋擲瓦礫以叩鐘鏞所



冀惠我好音歌陽春而和下里

條議 詳文 呈稿 奏疏 記略 留衛裁衛  
事體照年

分彙  
紋

闔衛紳士留衛條議 康熙二十二年

為酌議去留之便以深未然之防事竊照邊海  
設衛原以防海而威海一衛則枕接劉公島海  
口灣環曲抱容納萬艘為南北咽喉且東距成  
山衛一百餘里南距文登縣九十里西距寧海  
州一百二十里北則盈盈滄海一碧萬頃是以

明初設操軍二千餘名明末設營兵二千五百名今我

清又調防文登縣營千總一員營兵二百五十名協理戒備大率專爲防海備倭起見原非設衛設官專爲徵收屯糧計也且設屯養軍止以屯其地者卽食其食原無起科徵解之例鼎革而來軍去屯存而佃耕屯地者始輸納屯糧因屯係衛地故加衛官以兼理之責則威海之有專城專官固非屯存與存屯亡與亡之說可弛防而

撤備也近奉上檄督議屯地屯糧欲併隣近州縣以專責成誠爲時至事起之正論但恐屯地一去則衛官權輕衛權輕則裁衛裁官之說必有起而議其後者案查

清初裁衛之議屢屢矣其議裁而卽裁者同城之衛有衛官而無衛學者也如登州衛之歸併蓬萊縣甯海衛之歸併甯海州亦旣裁之而不疑矣其議裁而終不果裁者如威海衛之孤峙於北海成山衛之孤峙於東海靖海大嵩之分峙於



南海星羅碁布永爲保障者亦旣留之而不疑  
矣今以議屯之故而釀成裁衛裁官之漸豈無  
防于封疆海口久安長治之計乎且威海之不  
便議裁者尤有說也設衛之初卽設衛學作養  
官軍子弟以爲收拾人心之助建巒宮崇  
聖像設教授員典至重也

國朝因之挺然各立庠校今使屯可併也衛亦可去  
衛可去也學亦可散卽令不散而附于別州縣  
學之後使堂堂俊秀補廩除貢各成一路功名



之士一旦而委之爲流離瑣尾之子猶或可忍也儼然聖像而委之荒烟蔓草之中亦不足傷乎且衛無居人諸生卽居人也威無丁諸生之子弟卽丁也前于逆猖獗官率諸生子弟守荒城拒狂敵總恃人心爲城之力若裁衛而改學則諸生子弟亦去衛而就食是無衛卽無衛學無衛學卽無衛人無衛人則窮荒遐陬之地勢必有空虛叵測之慮矣故屯地屯糧可以去可以不去而衛城衛官乃必不可去終不可去

者也懇祈伏查前情轉呈上臺輕重緩急之間  
細爲斟酌何去何留永爲定例庶不以更張之  
端貽事後之悔矣

附文登縣留成靖二衛詳文

文登縣知王 郵

看得成山靖海二衛一居東北去縣百二十餘  
里一居東南亦去縣百二十餘里二衛雖無漕  
運然俱係邊海要地實與邊衛無縣可併者同  
非可概之直隸各省諸屯衛也明季之時衛因

縣轄官民俱受其累自我

朝順治十六年間始將縣衛分管迄今相沿二三十年屢經議併而不併者皆我

國家防海之計綢繆未雨之深謀也此固不具論卽曰錢糧可徵是也但兩衛離邑窵遠往返維艱若一議併勢必催糧者呼應不靈納糧者比較

違誤以至點卯過限道途之費一年倍於正供民力幾何其堪此耶則錢糧亦未易徵也卽曰地畝可核是也但兩衛屯地有在他州別縣數



百里外者若一議併而縣境內者可核縣境外者亦可核乎况軍民混雜民地入於軍戶軍地入於民戶疆界不清爭訟不已則地畝亦未易核也卽曰逃盜可清是也但兩衛地方遼闊坐鎮有人巡緝難諉若一議併鞭長有不及馬腹之虞豈無萑苻乘間竊發者乎豈無匪類潛藏莫識者乎及至事露貽害匪輕則逃盜又未易清也此併與未併利害較然故以縣治衛不若以衛治衛之爲便也况自有衛以來建立學宮



俎豆無替今當

熙朝崇儒重道之際如懷遠永甯諸衛無學校之處  
尙有議復之美政而忍令三百年之巍巍聖學  
鞠爲茂草使邊海文風之不被其澤乎此又讀  
書士子更所未便者也今行查酌議合無詳請  
憲臺轉詳惟仍舊制之爲兩便耳爲此具申伏  
乞照詳施行

登州府留衛詳文

據萊陽文登二縣及大嵩成山靖海三衛反覆

數陳不便裁併訖且又據各衛士民連名公呈  
歷陳風土形勢追言創制始末極言利弊是縣  
衛兩議固所僉同而士民公論又皆畫一則大  
嵩成山靖海三衛似當俯順輿情仍然舊制以  
留爲便者也惟據甯海州先旣詳稱威海一衛  
實與裁併之例相符而該衛則稱裁併不便有  
八兩相互異隨行該州一併確議雖據該州逐  
一議覆但裁併未免更張其間調劑稍有未善  
必貽地方之累是則威海一衛合無亦仍舊貫

爲便然事關因革各衛應否裁留卑職未敢擅便憑據該州縣衛查議前來相應據實核轉

闔衛紳士留衛公呈

雍正三年

呂曰卓

邑貢生

爲存留要地以重海防以安邊鄙事竊威海一衛踞登郡極東東接高麗南通日本琉球北達奉天天津島嶼聯絡劉公最險爲江浙七省通商要路貨船停泊海寇劫掠每從此發誠甯文之屏蔽登郡之門戶而帝都之咽喉也西去甯海州一百二十里南去文登



縣九十里與在內衛所附近州縣者迥乎不同  
是以前朝於軍屯而外復設備倭等員駐防並  
守夫有所用之也我

朝定鼎以來

聖德普照海外賓服一切衛所概奉裁革獨於威海  
屢欲裁而仍留蓋知有所不便也近奉部文遵

旨議併着督撫分別詳細區處具奏思威海衛據東  
海要衝州縣鞭長不及甯福水師兩營皆有防  
海之責者然甯兵不滿三百汛兵墩堡三百餘



里水師戰艦登郡膠州分防止有十隻更番巡  
哨南北奔馳二千餘里而海寇窺伺來如風影  
如康熙四十二年及五十一年卒然乘虛所至  
風鶴向非衛守督率兵丁晝夜巡護比及兵將  
合聚東郡之憂恐未有艾是威之爲衛東海第  
一要地正宜整頓以備中外安可議併况我

朝重道崇儒加意培植

聖脈威雖蕞爾 聖像在焉

先帝御製匾額巍巍懸豎作何安植更當斟酌卓等

世居海濱就中利害敢不直陳倘蒙採擇疏請  
存留不惟萬年之金湯鞏固亦邊海貧民所賴  
以爲保障者也冒昧瀆陳伏候憲裁

奏留山東邊海七衛

雍正四年

山東巡撫陳世倌 海甯進士

爲遵 旨議覆事 臣看得衛所歸併州縣一案

准部令 臣查議具題 臣以沿邊衛所關係海防

非身歷其地不能備悉情形未敢輕議前已具  
摺奏明並咨兵部上年

陛見復經臣面奏今臣於五月內會勘河道事竣隨於六月二十六日輕騎減從遍歷登萊青三府自安東衛起至靈山衛折而浮山所至鰲山衛又折而雄崖所歷大嵩靖海成山威甯等衛沿海一帶地方綿亘三千餘里南通江浙閩廣北達天津盛京直臨大洋山城屹立地勢險要迥非內地可比其界址去州縣遠近與各該衛所報無異所到之地又據紳士軍民紛紛具呈籲留臣親登島嶼細察形勢揆之舊制驗之與



情其不便徑行議裁者有五一衛所去州縣遠者數百里近者百餘里卽在百里數十里內者中隔層巒複嶂險阻阨塞有車不能容軌馬不能並轡之處向來海氛竊發每賴衛所千守飛督屯軍鄉勇各執刀石器械奮勇守禦海船望風而遁不敢登岸一經裁去則城郭空虛萬一萑苻有警州縣相隔崇山峻嶺一時救援不及乘虛而入頃刻可至所關非小其不便議裁者一也一海口汎地營弁固其專責查各衛所中



惟安東營與安東衛同城其餘存城防兵多者  
二十餘名少者十餘名而浮山一所僅有三名  
一經裁去以寥寥防汛之兵當海疆險要之地  
緩急不足倚恃守禦不足策應設欲增兵又欲  
增餉其不便議裁者二也一衛所地土皆係斥  
鹵不比膏腴額徵地丁銀兩爲數無多旣無事  
另設州縣若專委之營弁徵收非其責成若以  
委之雜職又須添置官役其不便議裁者三也  
一軍民賦役輕重不同屯地土瘠賦輕向無雜

差數百餘年相安既久若歸併州縣遇有差役  
一例輪當零星屯地有一戶止納銀數分者令  
其遠歷道途踰山越澗跋涉既苦艱難往來又  
多浮費更以雀角小嫌必待奔赴于長吏之庭  
申訴辨理守候羈時易致曠業其不便議裁者  
四也一各衛現有學校歲科額進童生八名生  
員食廩除貢以及中式等例不異州縣一旦裁  
去學宮荒廢祭祀缺然使濱海士子不得霑作  
人之雅化其不便議裁者五也總之文職管民

而不管軍武職管兵而不管民一衛之內必得文武共理兵民方能兩安莫若衛所之守備千總以武銜而兼文事訓練屯軍督率鄉勇徵收錢糧聽理詞訟無事則安屯種有事則資禦侮居民有所庇依得以保其室家宵小有所畏忌可以戢其奸謀此衛所之設所以星羅碁置與州縣犬牙相錯以固海內之藩籬以壯海隅之形勢其爲海防計者法甚詳密謀復深遠宜紳士軍民扶老攜幼遮道扳輿皇皇呼籲情不能



自己也界址雖與州縣相連而實非內地汛兵  
雖有營弁而衛所各官關係甚要相應仍舊議  
留無容裁併其雄崖浮山二所臣前未至其地  
據司道僉詳地非險要遂議併入鰲山衛今查  
得一在衛南一百七十里一在衛北七十里地  
方既非附近形勢均屬險要不但不能歸併州  
縣並不便歸於鰲山衛相應一體議留於海防  
大有裨益惟濟南衛所臣前以省會重地議裁  
衛留所今查內地與海防不同應遵部議將衛



所一併裁去所有城池門禁軍器火藥等項歸  
城營叅將管理所有屯務分隸各縣零星窳遠  
查濟南府同知有清軍之責應令經管如此庶  
海隅萬年鞏固軍民亦得安居樂業是非有當  
伏乞

睿鑒勅部議覆施行

奏請酌量變通衛學章程

乾隆十六年  
部議

山東學政李因培

雲南進士

禮部等部 爲酌量變通衛學章程該 臣等會

議得內閣學士李因培奏稱臣前督學山東到萊州歲試據該府申送靈山衛文童十一名應取八名又奉

特旨廣額一名共應取九名申送武童十一名應取八名至科試申送文童十七名亦應取進八名察其文理非惟不能成章且不能文從字順細查舊案卽最多之年不過二十餘人卽以二十餘人而取進八名亦屬冗濫查該衛原轄三十屯一所其實每屯所存衛籍不過數家其中

讀書者百無一二徒存舊額實屬無益應請將原額八名酌減三名量存五名至衛學生員總計不過八十餘名除廩增各二十名附生只四十餘名體制亦屬未協今既議減進額其廩增亦當酌減應請將廩增生俱減爲十二名遇有缺出卽爲虛廩虛增候補惟出貢仍照縣學例兩年一貢倘酌減之後該衛將來文風漸盛童生至五六十名仍准學臣題復舊額等語查雍正十二年十一月內覆准原任河東總督王士



俊題請靈山一衛歸併膠州其取進童生額數  
應添靈山衛原額八名應試童生仍填原衛字  
號廩額出貢之處仍照衛學舊例遵行在案今  
該學政既稱該衛原轄三十七屯一所其實每  
屯所存衛籍不過數家讀書者少應考童生最  
多之年不過二十餘人若仍照舊額取進未免  
太濫應如所請嗣後歲科兩試將原額八名減  
去三名取進五名歲試取進武童五名其進額  
既減廩增原額二十名自應各減去八名令該



學政查明食餼年深者各存留十二名其餘統  
作候廩候增新舊間補至出貢之處仍照舊例  
二年一貢倘裁減後該衛文風日盛仍准該學  
政題復舊額又奏稱威靖二衛丁地俱在文登  
縣文武生員皆撥文登學內二衛原廩增各二  
十名撥歸文登爲虛缺文登一學有廩生六十  
名兩年一貢挨補艱難請照金復二衛歸併萊  
州府學之例一年一貢二學輪換不得攙越二  
衛廩生貢完日爲止仍照縣學例二年一貢等

語查雍正十二年十一月內覆准原任河東總督王士俊題請大嵩成山威海靖海等四衛改設二縣其入學額數應將靖海衛附于大嵩衛新改之海陽縣考試威海衛附於成山衛新改之榮成縣考試每縣各取進童生十六名其現在文武生員應查明居址就近分撥二縣學肄業廩增出貢照縣學例各額設廩增二十名二年一貢等因在案嗣因威靖二衛生童居址俱在文登其二衛之屯地田糧亦多歸併文登管



轄是以二衛生童俱經地方有司撥入文登縣學應試今該學政既稱威靖二衛原廩增各二十名撥歸文登爲虛缺文登一學現有廩生六十名人多缺少挨補艱難又兩年一貢壅滯不通請照金復二衛歸併萊州府學之例一年一貢等語查雍正五年覆准將復州金州二衛改歸萊州府學每年出貢二名萊州府學廩生出貢一名金復二衛廩生輪貢一名二衛出貢完日仍照舊例現在遵行今文登縣學出貢之處

應如所請于乾隆十六年爲始文登本籍廩生  
出貢一名次年威海歸併廩生出貢一名又次  
年靖海歸併廩生出貢一名週而復始不得攙  
越俟二衛廩生貢完日仍照舊例二年一貢如  
此則文登縣學諸生出貢之期得以稍爲疏通  
凡本籍旣由衛改入之廩生皆有上進之階矣  
再此本係禮部主稿合并聲明臣等未敢擅便  
謹題請

旨奉



旨依議

裁衛記略

乾隆七年

王庭槐

邑廩生

雍正十三年河東總督王士俊行部至登諭意屬員欲裁併邊衛整頓封疆登萊青道董自超登州府于斐及該管各該州縣四衛守備望風承旨不敢異詞各衛士民紛紛具呈牢不可破

靖海觸怒尤甚拿送寧海州監禁以奸匪論罪巡撫岳溶洞知情節礙難掣肘總督王遂題請將成山改爲榮成縣大嵩改爲海陽縣威海靖

海疆域紳民俱歸文登而學校生童威海則附  
榮成靖海則附海陽學額合新縣原額文武各  
十六名威靖現廩俱改爲候廩除貢則榮威兩  
學各較食廩年分二年一貢學宮令巡檢局固  
封守祭祀改爲朔望行香乾隆二年因人戶以  
籍爲定又將威靖學校生童俱改屬文登學額  
照文登之舊祇十五名本學王兆聖戚倣澍呂  
濬王兆興李昂在榮成續補現廩又改爲候廩  
出貢則文威靖三學較年分二年一貢三年秋

學院李光燠知府陳法特賜垂憐行牌飭萊寧  
文榮海五州縣詳查欲仿靈山鰲山二衛之例  
另立字號入學幫補除貢而相繼離任遂成畫  
餅五年夏學院徐鐸深爲惋惜慨許事竣具  
題後亦不果六年冬奉上憲明文查裁衛便否本  
衛士民不得與聞而歷年呈詳各案當事一概

不錄遂寢謹記顛末如此俾後世有所考云

陶節母請旌公呈

黃陂縣丞郭文大邑拔貢生

竊惟大禮始乾坤夫婦乃人倫之本盛朝崇節



義巾幗亦名教所關倘柏舟之矢志靡他已屬  
永貞之白璧况楓陛之策名有子更爲特顯之  
青雲已故孀婦呂氏乃威海衛庠生陶申士妻  
優貢陶易嗣母也誕毓名門榮公之家法由舊  
好述君子士行之遺範如新綦屨衿纓趁鷄鳴  
而勤櫛總米鹽梁肉勸弋鴈而解琚璜夫何二  
豎方侵七年倏寡疾風勁草痛一鏡之中分烈  
日丹心赴九泉而不恨奈雙親哭於堂上旣風  
木之堪虞一脈缺於膝前復蒸嘗之無主爰是



撫姪爲嗣慰親卽以慰夫畫荻傳經爲母兼之  
爲父落盡崩城之淚隱茅檐而寂爾無聲刻成  
化石之心比松嶺而挺然獨秀晨風夜月咿唔  
紡績之音夏清冬溫滫瀡菹菹之味尊章耄耋  
養生與送死偕臧鞠子圭璋秋實共春華並茂  
持家井井克儉克勤秉志觥觥全終全始壽考  
五旬而外艱貞三紀之餘此誠女隊程嬰不媿  
銀毫之述閩外蘇武堪流彤管之芳者也若非  
表厥門閭何以樹茲風化合行公舉伏乞轉申

# 陶節母傳

文登縣知縣鄭維嵩黃岡進士

國家旌表節孝以發潛德勵幽貞也責在守土咸得慎察而闡顯之余泣文登於節婦合例者悉採請旌諸生陶申士之妻呂氏操行尤苦旣得請後其嗣子易求爲立傳時母歿已七年覽其狀有足傳者母世爲威海衛右族幼端慧讀內則女戒通大義于歸後舅姑稱其孝娣姒姍姍稱其順內外無間言年二十八而寡無子將殉焉舅姑止之以其兄方厓先生中子易嗣之謂

兩老人髦矣痛其子可復痛其息乎母遵命稱  
未亡人所以鞠易者備至每口授孝經論語弁  
而後猶忘所自出也兩遭大喪皆典鬻摒擋與  
伯叔均營葬之費曰吾不忍使孫不如子且以  
遺泉下人悲頃之家故類仍內外交困母痛門  
祚之衰而後將不振也益自刻苦每燃松肪力  
作以資膏火露夕霜朝擗績匪懈眼前惟孤弱  
兒擁膝話愁時命誦詩書爲娛聲琅琅外徹聞  
者咸爲心惻後易舉優充貢屢躋棘闈母教之



日爾累世起家選舉太學人文之匯修身立名  
處也奈何不往求砥礪徒戀吾爲易重違母意  
遂北學成均登京兆賢書鄉人有喪妻者鬻女  
爲殯母憫之貸之直而撫其女病革猶治命遣  
嫁里黨彌多其義云聞易六七歲時見母十指  
血綻捧而問之母故不言適隣媪在旁欷歔久  
之曰孺子其知之乎方雪後薪絕與吾輩攀枯  
枿於後園煨芋栗以啖女故爲所傷耳易大號  
慟輒戒使勿聞於堂今詢諸易猶嗚咽流涕不



禁也黃岡鄭維嵩曰甚矣苦節之難也讀史至  
 列女傳往往不盡其辭心竊傷之揆之於今豈  
 遂異於古所云乎其得坊表祠祀宜已易曰苦  
 節不可貞難之也嗚呼知其不可貞斯苦矣

陶節母徵詩啟

平原教諭張象恩萊陽優貢

蓋聞瑤池冰雪標晶潔于千秋玉砌芝蘭揚芬  
 芳于一代述斷機之訓劉向傳經誌具草之歡  
 林宗延譽以故苕華鐫名于琬琰所重流馨金  
 閨傳節于松筠尤須專美敬陳大槩廣乞鴻詞

文登陶節母呂太君者崧坡贈君先生之淑配  
經初上舍之尊慈也鐵石凝心冰霜礪節幼學  
三千之禮以女誠作謳吟長成九十其儀持鍼  
衽爲操作不料李賀早亡辛英遽寡青陵臺畔  
木自連枝黃鵠歌中藥名獨活當是時也太君  
難禁弔鳳之悲早有磨笄之志矣然而一慟不  
堪再慟白頭當念尊章無兒已若有兒黃口還  
須螺負甘齏鹽于朝暮老人之涓澹誰供耽風  
雨於春秋稚子之岐嶷可喜燈殘月墮咿唔答

絡緯之聲茶苦蓼辛補綴壯衿纓之色墳封馬  
鬣代孝子以事親羽漸鴻達見佳兒之爲士勤  
讀者不爐不扇乃丸熊之母並因課讀而忘溫  
涼負薪者其翳其蓄乃別鶴之媛亦爲積薪而  
勤採拾曉其音脩其尾不令家室漂搖錯以攻  
石以磨卒使圭璋溫潤方謂金萱花茂將膺翟  
菲之榮豈圖寶婺星沉遽速瑤池之駕清風爲  
之減韻明月爲之掩光伏望蘭臺碩彥玉署偉  
人寫苦節之貞播諸銀管紀徽音之盛錫以瑤



章假吟詠作陽秋借篇章爲金石庶幾窈窕幽  
魂聆雅奏而貞心頓慰寵從高節借鴻文而芳  
譽常昭謹啓

重修威海衛東堤記

平定州知陶

易邑人

聖天子重海防之選靈州陸公以禹城令調繁文登  
愷悌循良以實心行實政凡境內之事有關利  
病者一皆徇民所欲無巨細無遠近百廢俱舉  
重修威海衛東堤其一也威海爲登屬四衛之  
首蟠踞險要城南河一道其水直東入海微特



形家者言以爲失位卽揆諸蓄洩之方於民亦未便焉康熙十六年衛侯李公標築堤挽水東北流四百丈有奇沿堤插柳以護蟻穴其後衛侯費公允掄重修之而李公之子爛守備鰲山攝篆來威承其父志亦襄厥事衛人伐石記之以矢勿諉雍正七年堤潰於兩議修未果迨十三年總督王公裁衛合成山爲榮成縣旋改入文登去城九十里雖文廟倉儲俱在僅立一巡司鎮之大尹非有事歲不一至其地而重修之

役益寢竊謂修廢舉墜人所同情而往往因循  
弗成者其弊有二地遠則壅于見聞廢久則憚  
于興作未能圖始安望觀成非有痼瘵一體之  
心築室道謀在所未免今我公慨然允衛民之  
請亟委巡司唐君就近督理尅期舉事而吾衛  
士民亦仰體同好同惡之意踴躍趨工凡閱  
月而竣共開河百十丈深一丈築堤插柳  
一復百年之舊梓里郵書囑易記之易世爲衛  
人猶記曩年河堤未潰時青山橫其北白水遶

其東升高望遠海嵐縹緲帆檣商舶或隱或見  
宛如畫圖是時民俗日阜士氣日興忽忽四十  
年來此景幾不可復覩矣昔歐陽公治潁濬湖  
修堤民賴其利東坡治杭至今猶名蘇堤威海  
僻陋雖不敢比于潁杭而地以人顯以公爲政  
風流播諸藝苑以傳于無窮詎非待其人而興  
之盛舉歟公名允鈞字厚夫唐名拱儉捐資姓  
名備載碑陰以告後之踵其事者

堤被水冲此  
碑未立存稿

以志其事



詩

七言排律

登環翠樓二十韻

明副使趙鶴齡  
瀘州衛人

威城樓枕翠微巔，環翠名樓一區懸。  
百尺峻嶒臺奈古，數層縹緲閣凌烟。  
棟梁金碧鞏仍革，斗拱玲瓏麗且堅。  
明淨八窗紛洞達，清虛一榻絕塵緣。  
登臨有興襟懷闊，瞻望無邊景物鮮。  
聊仗雲霞開境界，不須閭苑覓神仙。  
銀河皎皎天連海，綠水茫茫海接天。  
衆派朝宗難畫量，羣山奔



赴類擎拳火精冰鑑扶桑出白練紅綃渤澥瀾  
島嶼參差還蕩漾龜龍出沒更盤旋任時旱澇  
潮皆至隨月盈虧信罔愆蜃現樓臺微雨後鵬  
搏霄漢大風前漁舟倚港垂綸釣鹽鑊循汀拾  
鹵煎山鳥徒勞填木石麻姑浪說變桑田城中  
烟火千家屋城外膏腴萬頃阡松柏行臺堅晚  
節杏桃遶郭鬪春妍閣頭堪折蟾光桂山麓頽  
觀玉井蓮一帶金湯嚴保障三齊疆土樂安恬  
旌旗影裏排千羽鼓角聲中雜管絃文德誕敷

因被遠譯航通貢遞爭先太平臣子無多事但  
祝皇圖億萬年

五言古

劉公島

國朝王蘭生拔濱州  
教授

傳說桃源洞劉阮仙緣巧相逢快一時須臾百  
歲了又聞說廬山雲烟深繚繞髣髴夢中遊恍  
惚不可考孰如東海上子子劉公島十里絕塵  
埃清遠譁囂少飄搖水上浮鯨戴無傾倒神龍  
常呵護魍魅不能擾可望亦可尋一帆達山表

烟火數十家斷連村落小雞犬聲相聞比隣共  
昏曉高下多田疇行歌薈茶蓼富不連阡陌貧  
亦堪煖飽萬頃斥鹵中甘泉賽珍寶汲來清且  
馨烹茶釀酒好晨起觀曉日燦爛紅光燎有時  
海市現變化何窈窕誰見神仙府三島十洲渺  
此間卽洞天悠然愜懷抱我於其中結小廬長  
與劉公稱二老

陶節母詩

冀甯道

徐

浩

山陰進士

愛讀節孝傳不作節孝詩傳能闡其幽詩徒敷



衍而自讀柏舟什孰爲絕妙詞陶君自楚至爲  
言阿母慈母慈慰所天兒非親生兒荆棘破母  
指只爲兒食炊簪裾去母體只爲供兒師兒今  
旣成名母死焉得知從來兒有祿難補慈母飢  
泉魚徒飲恨風樹不相宜君哭我亦哭人心各  
有私未可以盡言不獨在昔時五夜不成寐鳴  
邑作此詞

七言古

鯉堂

行人蔣  
祝進仁  
和士



我聞北溟有鯤魚化鵬振翼凌太虛又聞吞舟  
亦漏網供波出入縱所如莊叟寓言十八九史  
遷比類疑何有異哉威海有鯉堂可續齊諧志  
怪後憶昔巨魚遊海東噴沫震動馮夷宮九天  
雲垂海欲立乘風挾石聲硿礮須臾浪靜天吳  
歇知是揚鬣怒不發遠山蒼翠列如屏海海茫  
茫浸明月嘯吸元妙幾千年龍荒以外遊無邊  
一朝奄忽隨物化飄泊泥沙殊可憐首尾蜿蜒  
千百丈劉公號衆衆鼓掌紛來割取血淋漓狼

籍脂膏浮漉漉脂膏割盡骨空存架骨爲梁鎮  
廟門壯繆有靈應一笑留此奇蹟奠乾坤郭公  
纂入威海志老夫展卷訝異事赤鯉何不化龍  
飛雷電燒尾雲端戲吁嗟巨魚骨已殘雲烟繚  
繞佳氣蟠丈夫不作棟梁用對此魚骨空長嘆

陶節母詩

廣東高郵  
學政夏之蓉進士

昔余校北闈文山得佳士抱質溫且敦走筆清  
而駛紅燈綠酒談深宵意氣湖海人中豪自言  
夙稟義方教傷心母氏何劬勞別來歲月同流

水目斷衡陽萬山紫昨宵寄我苦節傳讀罷悲  
風爲四起母年廿八悲黃鵠子不親生同式穀  
一枝荻管畫灰殘總帳高懸勤鞠育冬苦飢兮  
雪苦寒採薪煨芋腕力殫試看指血淋漓處尖  
風猶射舊時癡兒成名母謝世祿養何曾一日  
逮可憐滿縣發春華北堂黯淚心憔悴只今五  
馬垂雙旌悔軒近擢  
平定牧褒封會見馳瑤京封鮒慈  
懷雖莫遂瀧岡阡表殊嶒嶸吁嗟乎自古移孝  
可作忠易哉母訓留芳蹤但承茹蘖飲冰志顯



揚節烈應無窮

湖  
南學政吳

鴻狀仁  
和元

古今有賢母最著曰孟陶斷機截髮兩堪並江  
州風與鄴山高陶君家本土行胄東海之鄉師  
法舊吁嗟母氏今女宗雪汨冰堅松節茂上山  
刈棘薪棘薪傷手母不嗔入室課書史書史承  
家母有子郎君今宰衡山陽母也不見天茫茫  
重尋枯鮓追遺訓自勵分陰愛景光君不見長  
沙城外崇祠起是母是子人爭美時余方與同  
議建陶母



祠留侯千秋配食人湘江一碧吹芳芷

五言律

題環翠樓

文登營劉正學

威海城東盡登樓四望開青山橫地出碧水捲  
天回雲樹浮蒼翠鳶魚任去來風光真可愛卽  
此是蓬萊

閒適

張聯箕

荒戍臨孤島殘陽下廢城觀潮沙上坐尋菊雨  
中行樵飯和松煮農歌帶月耕鯉堂遺廟在夜

夜聽鐘聲

威海春日雜吟二首

張完臣

凭欄聊一望積雪滿城闔未識陽春色眞成海  
澗人寒林多戢羽近市少垂綸魚鳥從吾願欣  
欣也愛春

旅館春將半風來水氣涼閉門閒有得隱几懶  
無妨五斗心猶在三山興未忘同人爭報信花  
發海蓬香

奈古雪霽

呂瑤邑舉

六花飛滿地晴曉到山陲斷岸開銀幃枯松墜  
玉枝昨宵訪戴處今日看梅時彷彿畫圖裏高  
吟白雪詩

東浦漁燈

欸乃一聲發漁燈隱隱開暗光驚鳥起涼影雜  
星回對景忻幽趣臨流憶劫灰子陵如可作同  
上釣魚臺

七言律

巡威海留題

明兵周之訓黃岡

九折羊腸下旆旌朔風獵獵暮雲橫遙聽鼙鼓  
劉公島遍歷狼烽威海城白雉不緣黃耇至丹  
崖翻爲黑山營五年生聚還刁斗極目荒原百  
感生

留題環翠樓

彭 空 桐 城

一色蒼茫環翠微平明淑氣藹晴暉城頭桃李  
春爭豔眼底雲山興欲飛召石仙翁今在否祖  
洲瑤草事全非臨窗共作高樓眺不盡東洋戴  
月歸



憶環翠樓望劉公島

揚州通判阮述芳邑人

東風吹我上危樓  
隔檻蒼茫一望收  
瑤島晴開

雲母幄霞天  
淡染筆公頭

島如架

應知塵世皆成

幻豈但鮫宮  
半是漚憶得  
簑翁歸棹後  
松聲猶

帶晚潮流

環翠樓

溧陽知縣呂曰正邑進士

頻年愛作謝公遊  
今到璇臺最上頭  
萬水東流

歸大海羣山西  
接到神州潮噴孤島圍  
成市雲

昏荒城結作樓  
欲覓仙蹤何處是  
公然此地有

# 蓬邱

憶威海故地偶成一律

巖城勢距舊牟東佳氣平臨會鬱葱山接岷崙  
低日角水連蓬島跽仙蹤衢歌不改唐虞俗弦  
誦猶存鄒魯風空說滄桑人不見茫茫大地翠  
微中

## 文筆峯

威海教授張介正 齊河

誰將巨穎插山巔撐起蓬壺半壁天意到揮毫  
無絹素興來潑墨有雲烟頻沾玉露鋒芒韻近

接銀河星斗懸  
慚媿從前聞見陋  
謾誇文筆大  
如椽

威城八景

福建王士任邑進  
巡撫

東溟遙望白雲封  
幻出奇觀千萬重  
纔見冠裳皆列象  
俄驚樓閣已無蹤  
桑田滄海浮仙島  
玉女金童笑祖龍  
應是蓬萊原不遠  
探幽何必到

三峯

日島海市

潺潺流水出城南  
紅粉偕行到碧潭  
越女浣紗空有恨  
宓妃解珮可曾諳  
波光似鏡釵如墜  
錦



色如花蝶欲探自是太平風景好溪頭一笑采  
宜男南溪聚浣

籬邊葉落報深秋何處砧聲入畫樓晚景雲迷  
東海外閨情風送北山頭鴈鳴幾陣如含恨笛  
弄誰家欲解愁寒氣漸侵頻擣石娟娟新月上

簾鈎

北郭秋砧

連朝積雪朔風寒奈古新晴是大觀鮫室霰開  
雲母帳翠樓日映水晶盤枝枝綴玉千層秀點  
點飛花六出殘韻事吾家披鶴氅還思乘興涉



岡巒奈古雪霽

垂綸海上羨漁翁  
百尺崖前燈火紅  
象列疎星天倒景  
光浮遠浦島橫空  
臨流小飲邀三老  
鼓柁狂歌起大風  
聞道飛熊曾夢卜  
從來屠釣有英雄

英雄東浦漁燈

緩步城東到水濱  
千絲楊柳拂芳塵  
堤開五里

烟波闊浪擁三春  
翠帶新乍受微風翻碧澗  
輕含細雨點青蘋  
幽姿濯濯誰堪擬  
想見靈和殿裏人

裏人新堤柳浪

海孺百雉埒金湯巽閣遙瞻道里長烟火萬家  
連翠岫魚鹽四國集梯航昇平不廢熊羆守設  
險頻煩銷鑰防堤柳毳毳沙永護千年遺愛召

公棠

巽閣野望

環翠山前倚畫樓  
瞳瞳曉日望中收  
天邊糺縵雲霞映海上  
蒼茫島嶼浮曙色  
開時穿寶樹晴光  
遙處映沙鷗  
登臨欲訪劉公蹟  
蘆荻蕭蕭碧水流  
山樓初旭

威海秋興

歲貢宋克智甯海

地老天荒海一隈  
秋山秋水足低徊  
浮天浪舶東南去  
匝地烽烟西北來  
日射孤城環翠閣  
月明蘆石釣魚臺  
此中清景誰堪賞  
鴻爪瓢零興未灰

五言絕

高麗使臣留題

明康 姓失名

不是江東去兼非赤避遊  
如何天外客風雨夜行舟  
六言絕

環麓堂雜詠四首

郭文大

山徑荒村隱者桃花流水依然入耳心驚鳥語  
低頭細看茶烟

小院輕風花落華堂細雨燕來何故呢喃欲語  
醱醱酒甕新開

看鏡羞瞻白髮倚樓獨問青天兩袖清風倦舞  
一輪明月常懸

宅畔常期樹靜山頭佇看雲飛試問毛君捧檄  
何如萊子斑衣



七言絕

輓張烈女二首

張聯箕

甕牖繩樞女誠疎如何身命自捐除可知巾幗  
藏身烈至性翻由不讀書

鶯老花殘白日曛精魂凝碧氣成雲他年行客  
多憑弔半挽鞭鞘拜古墳

威城八景

教諭呂自嶽邑舉人

瑤島春光燦水雲森森樓閣望中分誰教出沒  
渾無定一片浮漚蕩夕曛日島海市

潺湲碧水抱金堤曉日春生濯錦溪兩岸鶯聲

啼滿樹却疑身在若耶西

南溪聚浣

蕭蕭秋色醉霜林幾處人家急暮砧古陌峯頭

砧不斷西風吹雜海潮音

北郭秋砧

浮空雪散奈峯寒樹色微茫畫裏看蠟屐渾忘

山徑滑臨風長嘯白雲端奈古雪霽

百尺樓旁晚景幽漁翁歌處數燈浮光搖瀚海

隨星動掩映蓬山十二樓

東浦漁燈

帶水長堤接海天菁葱楊柳遠含烟行人漫自

吹羌笛已見春風一倍妍  
新堤柳浪

層臺極目海雲閒  
繚繞春雲返照間  
十里晴烟

籠野樹一行歸鴈下  
秋山巽閣野望

山樓曉日絳雲生  
萬里晴光一鏡明  
欲問扶桑

何處是劉公古木  
靄青青  
山樓初旭

### 威海絕句六首 王瀛

謾謾長松欲落花  
鮮於金色馥於茶  
擷來仙味

無烟火爭羨安期棗  
似瓜  
松花色如  
金可為酥

杏花村裏靄春暉  
一水灣環山四圍  
彷彿桃源



人住處數聲雞犬出柴扉  
杏花村

翠黛朝橫宿霧清  
滄波如綺落潮平  
沙灘日暖眠鷗穩  
欸乃漁郎倚棹聲  
海上

歷歷青山插劍鋸  
熒熒紅日泛霞光  
當年石落村何處  
漢壽新祠舊鯉堂  
鯉堂

雲垂水立白波重  
隊隊長鯨出浪中  
疑是逍遙鯤欲化  
居人只道覲龍宮  
隊子魚

十島三洲路渺茫  
烟波東去是扶桑  
年來似覺水清淺  
石上層層露蠣房  
觀海



陶節母詩為淮安太守作有序

江甯未庶常袁枚錢塘

太守名易文登人母呂氏寡居易以從子  
嗣家故貧也冒雪採薪為枯枿所戕指血  
泔泔然夜輒煨芋魁誘易讀書易貴後狀  
其事徵詩

東海慈雲擁絳紗長沙太尉舊人家恐將銀管  
千枝筆難寫靈萱一樹花  
黃鵠飛飛翼早乖嫗孀爭不赴泉臺螟蛉裁抱

尊章老了却君家事再來  
烏啼月落夜窗空親授兒書讀未終試看採薪  
風雪裏阿娘手爪爲誰紅

鄰家聞有賣兒人施與裙釵替贖身誰道梅花  
風骨冷一重冰雪一重春

兒今五馬領淮南望見蹲鴟淚便含記得當年  
煨蘊火膝前賜與十分甘

風詩唱徧魯陶嬰天上金章幾度旌寄語世間  
諸母氏佳兒不必自家生

觀捕魚短歌

張聯箕

罔曰地廣斷崖澆泱罔曰海闊鼃鼉失藏網罟  
既設錡釜相尋桔槔利興水用不深誘彼施施  
供此嬉嬉人恆苦餒魚恆苦癡雖予荼毒余口  
是餽饜飫醉飽縣官大酺  
山靄拖藍洪波淨綠招招舟子各營所欲食梅  
者酸食齋者甘同遊異趣好樂匪貪蠢爾漁人  
鷓蚌株守海客釣鰲包羅萬有一曲清歌冥心  
搖手



# 威海賦

明王悅邑人

有客西來息駕於此覽山海之無邊遂喟然而  
莞爾乃招威海主人目而語曰我實中州人物  
少好徜徉凡奇蹤勝蹟大郡名邦山則恆嵩華  
秦水則江漢湖湘無不歷俯其處而盡擊其芳  
獨念大海遠在東方足未及以歷其地目未得  
以望其洋載促我僕載秣我馬道齊魯而北逝  
越登萊以東下行期盡已及乎閱月而道里之  
逶迤不知其幾千里也馬瘠穿蹄僕痛破踝顧



吾所以勞筋苦骨而來遊於此者不過欲擴所未見使夙憾爲傾瀉今旣至此觀乎山川但見山高兮日蔽海闊兮天連陰陰兮飄霧靄靄兮飛烟郊原庳窄草木凄然城僅數仞偪仄拘攣半侵海岸半壘嶺上四面山圍三邊水蕩顧盼之際反不能豁我之心目徒足以使人感愴而悵惘彼或人鄙之以爲陋其言誠是而無爽信斯地也眞禹貢所謂嵎夷而極於大東之壤者乎客旣畢詞嫣然而笑主人俯聽不勝其悼乃

變色而顧客曰吾聞之君子一言以爲智一言以爲不智言不可不慎也是何子發言之易也夫威海爲衛部掌戎兵防奸禦侮保障居岷實東藩之屏蔽爲朝廷之所重而匪輕顧其地抵京師僅千餘里密邇登萊稱爲腹裏豈若外國異邦梯山航海况其山海之雄風物之美有不

可殫述而揣擬今子徒以目前所見遽以荒遠爲恥是正坐井而觀天擗管以窺豹其所見者小耳誠猶蟻緣坵垤而不知泰山之爲高蛙藏

坎穴而不知江河之爲大乃眞所謂以蠡而測  
海者乎客乃逡巡踖蹙揖而言曰鄙人無似不  
知忌諱適以一時所見輕言獲罪君其含洪毋  
庸介意若其威海之景物山海之奇異君其爲  
我略陳一二將洗心滌慮鞠躬以俟主人猶忿  
前言意尙未息聞客所詢似有難色有間乃曰  
子誠量之狹也何其神志之不定乎何前鄙我  
之深也而後乃責已之甚乎今我欲自禁而不  
言是又因一噎而廢食也今爲子少陳大槩子



其啟盲以視傾耳以聽肇惟我太祖高皇帝龍  
飛海甸迅掃腥風救兆民於湯火合萬國於提  
封遐邇大小罔不來同維茲濱海實隸山東地  
遙寫以曠僻民廬處而生叢顧葺爾之倭醜竊  
出沒於波中蜂屯蟻聚黎庶恍恍於是我太宗  
文皇帝發一視同仁之念憫羣生被擾之情爰  
命大臣土功是營役數萬州縣之衆築十三衛  
所之城墉崇池峻堞壯樓崢若乃中立衛治指  
揮位焉旁列三所官屬寄焉經歷有聽簿書萃



焉鎮撫有司刑獄治焉六房之設案牘陳焉儒  
學之建賢才肄焉城門四達而閔闢閭閻萬室  
以連綿若夫外臺掌法奸宄斯革公館寅賓需  
用不闕崇樓傑閣之飛揚廟宇神祠之烜赫雖  
後來之創造實壯觀而奇絕至於春秋演武於  
海之堦旌旗灼灼伐鼓齟齬軍行騎列執銳披  
堅如貔如虎如隼如鳶莫不各懷敵愾之志而  
期安靖於茲邊也操練若是猶恐未至復命帥  
臣坐鎮督視此蓋朝廷不重內而輕外不務邇

而忘遠之深意也所以百餘年來波平燧息寇  
遁倭除軍韜兵甲民事犂鋤有田食井飲之樂  
無鷄警犬吠之虞此非我朝列聖愛民用武之  
所致歟此則有衛之始也若其方輿形勝遠則  
西連齊魯東極扶桑南海桴而達乎江漢北舟  
楫而至於遼陽近則巨海浸乎左周行衝乎右  
峯巒如屏映其前疊峯如几倚其後載觀斯地  
物夥人強泉冽田穰擅魚鹽之利便樵牧之場  
軍民富庶海關山長故言夫山也一方作鎮萬

載巍峨陸崇嶮巖延袤陂陀巖岫幽窈雖晴霽  
亦吞吐乎雲霧巔崖盤曲雖樵子亦困頓於透  
迤根蟠百里勢壓滄波泰岳之東誠莫有大於  
茲山者也言夫海也爲滄爲瀚森森茫茫浮天  
載地吞淮納江百川注之亘古今何曾增夫杯  
勺尾閭洩之歷年歲曾不減夫毫芒瀰漫無際  
浩蕩難量天地之間誠莫有巨於此者也然而  
山不徒大也其中則有琳宮梵宇茂樹修林麀  
麇麋鹿呦爾其音雉鶉鶻異鳥珍禽豺狼肆



毒狐貉睥陰以至野豕狡兔則又伏隱而藏深也當秋冬之際草木凋零武夫獵士或步或乘牽韓盧臂鷹鷂盡蒐索於山陵呼聲雷震石裂谷鷹犬奔兔斃網舉獸橫鷹纒釋其條索禽就落于雲層但見奔者懼足飛者委翎獲多且廣其樂何勝至若凌雲之樹合抱之木亘嶺連山遮崖蔽谷斧斤丁丁求者陸續或架高堂或構小屋棟梁榱桷胥此焉出居人所賴器用俱足若乃黃金之重貴莫能逾或在岡阪或在河渠



居人淘汰日走宵趨人人有得名狀各殊或塊  
若砂礫或片若皮麩多則不論乎斤兩少亦不  
減乎鎰銖用之無盡取之莫拘又何羨夫麗水  
之所產與夫荆揚之所輸哉爾其白金之產舊  
亦不錄粵自近年發於山麓軍民川會畚鍤雲  
簇紛紛攘攘晝鑿夜劬煎鑛銷鉛金色爛目貧  
富長少俱得所欲豈非地不愛寶而珍奇自爾  
顯暴耶且夫海不徒巨而已也其下則有寶貨  
之窟珠宮貝闕蛟龍所都螭龜所宅鯨鯢所游

鰲鰈所穴怒則舟吞戲則浪拍以至殊鱗異族  
則又浮沉而自適也當春夏之交波靜風休居  
民漁戶棹楫乘舟撒網索於水底競泛海以沉  
浮槽聲嘔啞漁衆歌謳鱗跳魚躍戲浪優游時  
呼邪而齊力掣巨罟於沙洲但見暴腮折鬣其  
積如邱長大瑣細不可名求姑牯言其梗概斯  
百數而一收其鱗介也則有嘉魚海鰒鱒鯨鯢  
鯢鯖鮓鮫鯽鮑鰾鯧魷鱈烏魴鱒鯉燕  
兒青菜黑婆紅娘他如鰕蟹蛤蜊之種類錯雜

而難詳又有海驢海豹海狗海羊深居島嶼出  
沒滄浪漁人捕獲以剝以戕取皮棄肉毛澤以  
光或爲鞍轡或爲囊箱雨不能潤器用最良其  
海蔬也則有龍鬚鹿角牛尾穀穗海棗沙芹青  
蟲紫苜居人採掇以爲食計鹽之所產於海之  
洼潮波旣退男女如麻區分畦列刮土爬沙漉  
水煎滷炷竈參差凝霜疊雪積囿盈家飲食貿  
易資用無涯若夫秋深冬及烟飄霧塞雪密風  
狂同雲如墨變動須臾天昏地黑千山兮何形



萬頃兮何聲顛崖兮石墜怒浪兮雷轟峯參差  
而玉立濤崩洑而銀生山中狼虎海內鮫鯨磨  
牙搖毒水湧山崩斯時也山晦如夜海勢滔天  
魚龍猛獸盡執殺生之權又孰敢蹈危亡之地  
臨不測之淵圖難獲之利操一葉之船衝蛟窟  
探虎穴而輕生寄命于其間論其集市則在闐  
闐外客他商寶貨珍貝服食之需水陸之類或  
驢馬之馱載或老壯之負背如蟻之歸垤如川  
之東沛百轍千塗於焉是會是以一日之間一



雲之內雖貨積坵山皆旋來旋去而舉不知其  
所在又有海運之船巨舸大舶吳越製造江湖  
發跡轉水道以浮泗竟揚波而北逝檣櫓如林  
聯綿絡繹便道劉公落蓬住楫凡百珍奇載哀  
載集故吾衛之人不求不勞而坐收坐獲其視  
彼疲身窮力走千里而負荷者奚啻倍蓰而什  
伯也觀其郊原則四達平平春生土沃時雨初  
晴南郊俶載東作方興千村勤事百耦而耕時  
薊時耨苗達苗青入夏而黃雲蘄發徂秋而百

穀成成迨夫玉露始降金風漸高促婦子以刈  
穫或車載而人操我場旣滌我樂何囂於是宰  
黃鷄殺肥豜釀白米爲香醪民不知擾兵不知  
勞喜豐年之大有歌聖化而誼曉若其名園嘉  
地遊玩之鄉或居下濕或在高岡山園水繞樹  
茂花芳沼深蓮盛泉廣魚魴流渠盪碧蔬圃生  
香春夏則惠風和暢景明物熙李梨噴雪楊柳  
垂絲奇葩異卉錦綉紛披鶯啼燕舞蝶聚蜂翹  
堪遊堪賞可樂可嬉夏秋則百果漸熟萬樹俱

懸有李如餅有杏如拳有瓜如斗有藕如椽火  
榴如珠霜柿如丹兔頭之梨蜂房之蓮鶯含薦  
蠟馬乳堆盤鷄心珠綴鴨脚星攢桃則方朔之  
種栗則韓國所傳他如寒菱煖芡羊棗胡桃則  
又賤視而不論錢也若夫劉島實海內之山孤  
峯屹峙萬頃縈環蛟龍之所穴處鶴鹿之所盤  
桓林巒秀麗迥異塵寰似銀盤之堆螺黛宛水  
鏡之綰雲鬟更如屏而如畫但可望而不可攀  
又如屨之爲物深居沆漭氣吐五采倏來倏往



成樓臺之形現人物之相變化恍惚千態萬狀  
彷彿晦冥杳難模倣何異乎登州之海市恨不  
使東坡之遊賞也至若墩臺之建突起峯頂卓  
立如錐摩參刺井烽火紅綃燧烟綠靜刁斗晝  
閒鉄衣宵冷日映朝霞月橫秋影嘆驪山之戲  
然陋關塞之報警由是吾衛之中才人文士當  
良辰與美景盡樂事而賞心攜朋偕友探勝尋  
幽芳園佳圃石渠清流進一觴而一詠互更唱  
而迭酌泉聲爽而調絲竹鳥音嘽而雜歌喉輕



風送暑林樹垂蔭其于右軍蘭亭之讌集何如  
耶若乃酒酣意翕歡情莫逆連袂牽裳躋崖跨  
石雖無阮籍窮途之車亦有靈運登山之屐覽  
峯巒而鬱有望雲霞以凝碧俯看旁觀目明心  
釋其於謝公之登眺何如耶至夫海靜風波烟  
晴島嶼餽酒相從朋儕共侶或泛艇于中流或  
垂綸于澗渚看魚躍與禽飛衆徬徨而容與意  
會心閒悠然樂止此又景蹟之奇遊觀之樂也  
客曰山海之勝物產之富予旣得而聞命矣若

夫風化之良習俗之微亦請得而言其故主人  
曰吾聞之入國問禁入門問俗既承下詢敢不  
拜辱惟茲爲衛肇自洪武披荆斬棘建城立塢  
內防草寇外備倭侮調發官軍團聚衛所風氣  
不同五方雜處爭功利喜誇詡蓋有齊之遺風  
焉爰從正統建學立師陶養旣久俗易風移迨  
夫今日教條重施開科貢之路溥雨露之滋教  
化行禮義明人知訓子士解通經遊庠序者總  
髦俊登仕路者騁佳名是以閭閻之間弓馬之

伍革澆還淳遵規蹈矩化強梗爲善良變青齊  
爲鄒魯也言未旣客忽抵掌而笑振衣而起曰  
善哉君之言也何其洪博而極至乎余今得聞  
所未聞也敢不再拜而受賜乎主人曰嘻猶未  
也此特提綱撮領漏萬掛一誠泰山之微塵滄  
海之涓滴若乃絲繹毫抽將與子談累日而不  
止豈一時口舌之所能盡哀哉今子徒以數句  
之言遽驚心而沮氣正古人所謂荷旃被毳者  
難與道純綿之麗密羹藜含糗者難與語太牢



之滋味豈非猶鱖鼠之入太倉而所食之易飽  
蛟蚳之投醯酒而所嗜之易醉乎於是客聞之  
喜正色而爲歌曰雲山兮寵嵒烟海兮沖澗山  
海之勝孰得而同有海兮可航有山兮可登山  
海之樂孰得而并主人乃瞿然改容而對客曰  
山海之勝吾衛故有之矣然海不揚波山不崩  
泐者果孰致而孰使此蓋由我祖宗之所開肇  
今上之所奠安故河海爲之長晏山岳爲之長  
盤凡吾土之士得優游而樂於安養之天者可



不誦康衢之謠歌擊壤之章祈皇圖于億載祝  
聖壽於無疆乃謹拜手稽首而賡歌曰南山兮  
蒼蒼東海兮泱泱維我兮聖代山海兮同長千  
年兮海清萬載兮山秀維我兮堯君山海兮齊  
壽由是賓主相歡情辭交協握手分襟再拜而  
別

威海衛志卷之十

外志

敍曰予嘗步自禪林聆其梵語竊嘆今之秘祝何其衆耶旣而思之黎甿祈福而爲善懼禍而省愆雖非聖賢高義亦未始非神道設教之微權也必欲效武子之斥夏相梁公之毀淫祠無乃非人情所欲乎吾惟以正祀載之典禮而仙釋怪異之類與寺觀俱列諸外志則端本澄源而聖道可衛矣

流寓

明

申汝剛

剛父任本衛豫積倉大使貧老無歸  
因寄籍焉萬歷間剛補本衛弟子員

丁白雲

名籍失傳明季進士初任濰縣令後雲  
遊四方至裏山與董祚昌交詩文自娛

書法道勁預知卒日自卜兆  
於勞山人稱爲白雲先生

國朝

金龍

字雲從陝西榆林人先爲甯福營千總  
曾防汛威海年滿咨部授通州營守備

兩攝副將印務軍政有聲偶以瘋病辭  
職寄籍本衛年餘卒葬於漏澤園之東

寺廟



真武廟年在致環翠樓下宣德四年建嘉靖二十八年

黃姑菴在真武廟南坡康熙十八年重修

觀音堂在南門樓上舊塑南海大士暴露于磚石面南順治

像無恙衛人異之鳩貲重建移像面北添設韋馱殿及方丈

天后宮在衛東北三里康熙四十年巡檢八年守備費

修

南海大士廟在衛西北老鴉山之頂康熙元年新建教授張聯箕有碑記

三官廟在老鴉山麓

大樓寺在衛西南二里久圯

洪智寺在衛西五里幽邃清雅為一方之勝前

田村廟在衛西

顯慶寺在衛南

仙姑頂廟在衛南十里山頂上有石龕石

劉公廟在劉公島中

所關帝廟在城內尺崖

所城隍廟在城南百尺外崖所

仙釋

牛仙裏長闊口深淺一轆中傳有仙子煉丹既服有打

場牛聞餘香曳碾而入觸鼎舐汁  
子遂騎牛上昇若綏山之駕鶴然仙

# 怪異

關帝廟神前大刀高丈許重百斤鐵刃來鳴鳴  
精緻工巧非他廟所及父老傳從海上來鳴鳴

有聲如牛吼居人聞而卽之蓋挺  
然大刀也扛以供神凜有生氣挺

關帝廟住持道人吳考宇暑月乘涼于山門外  
夜靜忘點佛燈覓火不得急向隣家乞火自怨

自艾忽見琉璃中光芒四  
射道人俯伏誦經而退

吳考宇曾夢有三衣冠飄逸狀貌相類齊聲  
日作速救我如是有者三衣冠宇寤而疑之持籃信

行海上見水際銅佛三尊蓋水府  
三官也取而供之經堂佛座中府

欽村三官廟原畢氏山場心願創建也崇正間  
有海風漂來大木一方爭往取之不期而赴者

七  
十  
餘  
人  
相  
與  
議  
曰  
一  
木  
幾  
何  
盍  
公  
送  
三  
官  
廟

三

黃  
姑  
菴  
尼  
僧  
陳  
姑  
道  
行  
清  
嚴  
崇  
正  
間  
赴  
京  
募  
緣

人  
鵲  
衣  
百  
結  
致  
聲  
曰  
曰  
尼  
姑  
何  
往  
答  
曰  
山  
東  
遠  
來

筆  
大  
書  
策  
首  
曰  
姓  
觀  
人  
施  
錢  
二  
文  
投  
冊  
與  
錢  
而

去  
尼  
歸  
鑄  
佛  
臨  
鑪  
時  
銅  
不  
開  
汁  
工  
人  
告  
冊  
曰  
必  
有

失  
落  
緊  
要  
布  
施  
故  
此  
耳  
尼  
以  
二  
文  
告  
工  
文  
喜  
曰

花  
沸  
起  
如  
樹  
汁  
澄

如  
水  
一  
傾  
而  
成

指  
揮  
劉  
澤  
遠  
邊  
操  
工  
滿  
將  
放  
班  
伍  
軍  
多  
散  
歸  
忽

發  
帑  
金  
數  
百  
兩  
官  
自  
欲  
私  
而  
志  
不  
果  
置  
枕  
箱

之  
底  
覆  
以  
文  
冊  
乃  
夜  
半  
作  
聲  
擲  
燭  
動  
盪  
者  
久  
之

天  
明  
啓  
視  
則  
銀  
已  
居  
上  
文  
冊  
反  
居  
下  
也  
劉  
懼  
不



敢隱乘公攤放  
得保全而歸

崇正末年指揮陳萬言奉推掌印忽寶器而自退  
錚錚有聲陳焚香拜祝恐以印累也固辭而退

未幾鼎革舊鑄  
印解部改革鑄

國朝

城隍廟重修已畢有蓬萊趙海山者背神坐山  
門之隍廟重有諭之者曰蓬萊趙海山者背神坐山

乃蓬萊人威海城隍管我撻而逐之偏天之明有創痕  
被攝縛于階左棟樹之上撻而逐之偏天之明有創痕

猶在乃跟踉  
焚紙馬以謝

欽村郭某嗜酒自濱垂釣夜歸遇鬼索背  
郭毫無怖意任之宵上海至村聞犬吠鬼欲去不

許至家呼婦子燒湯鼎沸竄入惟朽板與釘頭  
而已人不畏鬼亦不能作祟觀於此益信

有苗姓海垂釣若魚啣餌狀挽其綸  
釣着一佛像苗心惡之碎以石尋病亡

康熙初年海口潮一巨魚高五丈長數十丈身  
黑肉白居民赴割數十日不盡好事者截其骨

尺為五墩乃其尾骨也小者

雍正初年火前村大雨空中見龍鬪雨霽姜某  
於山中拾得一物大如箕圓如日厚如錢晶光

如美玉映太陽則金星耀日識者曰  
此龍鱗也姜珍寶之常置香案前

癸亥重陽黃泥溝海口有一怪魚撲樵夫上岸  
頭如狗腹似鼈尾長六尺末有三叉如錐臂上

一魚長七寸四寸皆脊無腹腎二魚俱不知  
何名或謂以小螯大不勝其痛故奔赴岸上云

### 叢譚

明指揮使係正三品同知僉使事係從三品正  
四品何使以多陞把總考文登志宣德四年建文

登營設把總在指揮中軍等官二兵丁  
員是把握總指揮中軍等官二兵丁

不拔同補者

指揮劉琮始封祖第不知何名其官宅石柱聯云

開國勳臣府立衛第一家則為威海首封無疑

矣乃洪武三十一受封他處而不必其在威海也又一

年以前者皆受封後永樂將建文四年併為洪

武三十五十年一可為訓故世職受封稱洪武三

十為建文四年改武生膺鄉貢心甚疑之又問德

按舊志王悅由武生膺鄉貢心甚疑之又問德

徵陶先生知明指揮舍人成童即入武生經提

學考試三猶不居劣等准作文生故

王悅充貢猶不居劣等准作文生故

明京邑後人為朝士錦衣旋里道旁觀者咸咨嗟恨

入京邑後人為朝士錦衣旋里道旁觀者咸咨嗟恨

息深為萬生危而朝士方且登門負荆深謝萬

生激成之恩夫徐與萬名皆不傳朝士亦不知

成海九華小學校重印

外志

五

成海九華小學校重印

成海九華小學校重印

成海九華小學校重印

成海九華小學校重印

成海九華小學校重印

成海九華小學校重印

成海九華小學校重印



予不銜多擬之漢唐卑則為執戟郎高不可過也世之

含垢忍辱不克自奮與快談恩仇睚眦必報者聞朝士之風可以愧矣

威海世職指揮周貴陶敞董興千戶戚林後裔有科貢庠生指揮王信阮祥畢文敬李玉陳福

李雄後裔有貢庠有爵後裔有劉琮劉貴苗玉汪千戶陳興百戶侯爵後裔有列庠者外有舉人

陳國謨為百戶之俱未知的屬若指揮魏忠張間有充貢列庠者俱未知的屬若指揮魏忠張

彪蔡俊扈甯鎮撫蘇彪千戶裴鏞韓俊趙祥余勝百戶二姚二蔣汪能程玉范祿璩凱樊璉趙

安劉永壽後裔附近並無其人論世至此不勝興衰之感云

劉公島古稱為海上劉氏別業內有神祠祀劉公劉母廣輿記石落村劉氏海濱得百丈枯魚

骨構鯉堂續夷堅志石落村劉氏嘗於海濱得百丈巨魚取骨為梁構屋為鯉堂元史從成山



過劉家島至之罘沙門二島過萊州大洋登州  
府崇明縣文登縣三志凡序海道或云劉島或  
云劉家島是劉公相傳已久但不知的為何時  
人余心終以爲歎訪之博物君子搜之名山藏

書或可詳其始  
末擴予鄙懷乎始

放火燒山最爲惡習或出遊戲禍延林木斃盡  
蟹蟲慘酷最甚順治間裏山姜平父子濟惡屢

戒不悛一日自市歸野燒突至火烈風猛父  
子四人俱爲焦土吁可畏哉事載生生果集

衛北二里呂氏先塋有柞樹一株一幹分爲三  
岔上合爲一今其樹現在終軍奇木對想應爾

爾

威海自康熙戊午以前從未發軔士子無所歸  
咎砌北門以培風氣庠生阮接芳具控登州府

詞內有云未開士子之科先受北門之困太守  
密點命徹其塞至今科第蟬聯非北門之功則

前此之屢遭點額  
豈盡北門之咎哉

登環翠樓可觀日出  
出時大如半邊火輪  
時環翠樓可觀日出  
出時大如半邊火輪  
時環翠樓可觀日出  
出時大如半邊火輪

日全出天水斷續若  
者誠海濱奇觀也及  
日全出天水斷續若  
者誠海濱奇觀也及  
日全出天水斷續若  
者誠海濱奇觀也及

馬兒提兵船往援李  
可進留滯凡數月常  
馬兒提兵船往援李  
可進留滯凡數月常  
馬兒提兵船往援李  
可進留滯凡數月常

時有一人通身皆赤  
上日漸高人漸小凡  
時有一人通身皆赤  
上日漸高人漸小凡  
時有一人通身皆赤  
上日漸高人漸小凡

果有人扶耶  
之而人扶耶  
之而人扶耶  
之而人扶耶

雍正初年奉旨創建  
紳士知以威海並無  
紳士知以威海並無  
紳士知以威海並無  
紳士知以威海並無

威海與關東為一水  
境威邑地瘠民貧十  
境威邑地瘠民貧十  
境威邑地瘠民貧十  
境威邑地瘠民貧十

知名不下一百餘家  
東號為下盛京固無  
知名不下一百餘家  
東號為下盛京固無  
知名不下一百餘家  
東號為下盛京固無

產人遼學者亦不己乏孰人顧安土重遷人情類然  
當其始非萬不己乏孰人顧安土重遷井著籍他邦  
也鴻鴈之詩曰之子于垣百堵皆作雖  
則幼勞其究安宅行將爲若輩詠矣  
威海藏書惟阮通判述芳董文學祚遠最富後  
俱散失近則王撫軍士任經史子集部分井井  
有光騰鄴  
架之目  
郭世玉貧民也以力田換果爲生乾隆三年五  
月以杏易麩內有銀十四兩以布裹之玉初不  
知後取麩曬颺見之詫曰此李姓麩也銀從何  
來因念貧富有命不可幸非分之獲且李某現  
爲走空妻係後婚媳稱童養日閣家驚喜拜謝  
明恐有意外之禍卽時返壁李閣家驚喜拜謝  
其事雖微其心可  
嘉也附記于  
予修威海志僅據登州甯海文登三志及邑乘  
舊本參互考證曾以耳目所及其間掛漏殊多



同學董允文一年逾八旬夙稱文獻移書曰聞君

纂衛志乞賜一覽衛中遺事老夫頗知一二當

續入予欣然請正忽邑侯張公以上憲查城倩

予手書星火轉致董猶丁甯為繼此之約孰知

閱數日而蒼麟促駕衛中軼事俱

付東流矣言念及此可勝太息

論曰儒者崇尚莊語說至怪異每覺荒唐不經

為聖人所不語然博觀輿志往往並存而不刪

豈不以山經博物齊諧志怪亦足以備百物之

情而窮天地之蹟故耶是用收之末簡列為外

篇以備一方之稗說云爾

郭堯瞻先生重修之威海志成於清乾隆七年  
又三十五年陶公悔軒始爲之序而刊之（時陶  
公任江南藩司後因事去職志板亦遺藩署）地  
方事蹟藉以稽攷數代文獻賴以不墜鄉先正  
之孤詣苦心功垂後世殊堪景仰惟是書刊行  
至今在人間者寥如晨星鄉人過客欲究篇籍  
徵往事搜尋不獲購求無從以爲憾事蓋亦久  
矣威海九華小學校職教員諸君有見及此爰  
謀排印若干部冀永流傳此不惟居是邦者宜

家置一編以資觀感卽未至是邦者睹是志亦可於威地之山川形勢風土人情文物古蹟瞭如指掌無異身歷其境也抑乾嘉以來至今日之軼事尙屬闕如繼是而有述焉是不能不有望於當代之留心掌故者

中華民國十八年五月威海後學谷鈞佶謹跋



勘誤表

卷上

卷數

頁數

行數

字數

正

誤

重纂序

一

後一

十一

寇

冠

全

全

全九

十七

頽

頽

一

一

前六

十九

勝

勢

全

四

全七

十七

上

土

全

八

後一

十一

豐

豐

三

五

前七

八

諡

諡

四

十二

後四

十

蜜

密

五

二

前六

十二

菹

菹

十四

全

全

十六

全

全

十八

全

全

六

四

後五

七

靖

清

全

八

前四

八

品

員

全

十一

後四

五

豐

豐

七

二

後五

九

全

全



勘誤表

卷下

卷數	頁數	行數	字數	正	誤
八	二	前一	七	審	窰
全	五	全一	二十	宗	挽
全	七	全七	八	齋	齊
九	十一	後三	三	頤	頤
全	十五	前三	九	疆	疆
全	二十二	全五	十七	隳	隳
全	二十八	後三	十一	蒼	蒼
全	二十九	全四	八	确	確
全	三十三	前二	九	禊	禊
全	三十五	前九	十三	出	除
全	四十三	後六	一	睿	睿
全	五十七	後二	六	洪	供
全	六十九	前五	十八	攬	擊
十	三	後六	五	人	文